

樂經律呂通解

汪雙池先生樂經律呂通解序

上古功成作樂本神聖文武之化體天地陰陽之撰發而為律呂詩歌以通神人感庶類彰盛德昭古今猗歟休哉何其極也五帝三王而後古樂漸至放失迨宣聖自衛反魯然後樂正越數傳又復散佚紊亂雖今之樂由

古之樂也亞聖曾矯其失而正之厥後諸賢
復出而後先攷訂律理猶存至今日古樂云
亡聲音器數悉無可考矣誰復究明闡發俾
天下共奏和平有朱子鄉人汪子雙池者紹
朱子之學著作等身所撰樂經律呂通解尚
未刊行光緒辛巳夏余宰星江公餘披讀悟

會未能竊喜其羽翼先聖步武前賢謀諸邑
士大夫節修志經費亟付手民以廣流傳用
資稽考將見化民成俗不難比隆於先王矣
余為汪子幸且為讀是書者幸焉

昔

光緒九年歲次癸未夏同知銜知婺源縣事

端州後學吳鶚謹序於婺源縣署之息訟軒

汪先生著述書目

已刊者以刊行先後爲次

參讀禮志疑二卷

乾隆辛卯同縣漳溪王廷言顧亭太守刊版亡。此書著錄

四庫

春秋集傳十六卷

乾隆壬子王顧亭太守用聚珍版排印

孝經章句一卷

嘉慶丙子先生同族起潢等刊版亡同治甲戌曲水書局用聚珍版

排印

孝經或問一卷

同上

讀困知記二卷

嘉慶戊寅翰林院侍讀湖北學政嘉興沈公維鏞鼎甫先生刊版亡

舉紹律呂通解

全書總目

讀近思錄一卷

同上
版亡

儒先晤語二卷

同上
版亡

四書詮義原十五卷析爲三十八卷

道光丙戌同
縣洪村洪鈞

梅坪中翰
刊版存

雙池策畧四卷

道光己丑先生同
族膏德刊版亡

雙池文集十卷

道光癸巳洪梅坪中翰刊○按洪
氏刻文集其第七卷雜文之前原

稿有記十篇
遺未刻版

理學逢原十二卷

道光戊戌同縣龍騰俞
錕堯章員外刊版存

詩經詮義十五卷

道光壬寅同縣延村金鴻熙道傳詹簿刊版存

醫林纂要探源十卷

道光己酉同縣和源單士修佩綸別駕刊版存

易經詮義十五卷

同治癸酉曲水書局用聚珍版排印。是年安徽書局校刊

易經如話六卷

排印同上

禮記章句十卷

排印同上

禮記或問四卷

排印同上

書經詮義十三卷

光緒丁丑闔邑請茶捐復設曲水書局校刊未竣光緒辛巳邑

侯吳公鶚秋浦先生捐廉成之版存紫陽書院

樂經律呂通解五卷

光緒癸未閩邑請吳邑侯節
邑志款校刊版存紫陽書院

以上凡已刻二十種

內七種版亡
六種係排印

物詮八卷

現已續刊

戊笈談兵十卷

詩韻析六卷

現已續刊

六禮或問六卷

即禮經輯
畧或問

樂經或問

琴譜

現附樂
經刊行

讀問學錄一卷

讀讀書錄二卷

讀松陽抄存

讀陰符經一卷

讀參同契三卷

山海經存九卷

今缺六七兩卷

六壬數論二卷

今失

九宮陽宅二卷

今失

四書引蒙開口講

詩集六卷

大風集二卷

時文六百首十四卷

今缺公治至鄉黨內只存一首

以上凡未刻十八種

自敘

樂爲斯世所不急之務。亦斯世所難窮之理。棄當世所共爲者不務。而孑然用其心於斯世所不急之務。與斯世所難窮之理。伊何拙也。雖然。苟此有爲其拙者矣。蔡易山其人。自宋元明而下。未一二數也。夏葑此有爲其拙者矣。司馬遷其人。自漢魏晉唐而下。又未一二數也。此其人之或是或非。或純或駁。未易具論。要之其志皆不可謂不尙者。先王教人。莫先禮樂。

而遺經闕然。禮經之蕪。朱子嘗手定大畧。而黃勉齋承之。樂則僅畱樂記一篇。律呂器數都無可攷。蔡易山綜攬先儒所論識。而決擇其當。呂咸律呂新書。樂記言理。蜀山明律理呂律爲歸。律呂理爲斷。是二書者。不可不合呂參觀焉者也。然理寓於聲。而器衷於律。斯樂之理存焉。器數聲音。又不容呂不攷也。因是合樂記及蜀山書。疏通其意。復上採周禮攷工。下及儒先注疏。以攷其器數聲容之略。亦咸續新書二篇。

呂附於後。總名之曰樂經律呂通解。樂記之爲經舊矣。他所輯萃亦本遺經。經名非僭也。其曰通解。通二書解之。亦附朱子勉齋之志。其音聲度數之實。則多訪之伶人樂工。而酌之遺經以及先儒之論。呂求一當。非敢縣爲臆揆。然不憚其卑且煩也。則愈拙矣。顧曰。謂樂本天地。制於聖人。先王所爲立之學等。廣之天下。粵以化民成俗。而今廼下遺於伶人賤工之事。學士語其理則難之。稽其數則煩之。執其器則羞之。

遇其人則賤之。苟有譚其事者。則相與迂之。拙之。是惡乎可。今

天子畱心制作。方且興起禮樂。以比隆先王。學士預爲究心。以待

朝廷採擇。或有戚哉。不則獲以其拙。附於朱蔡。其人之後。亦予快也。又不然。則圖徑之不審。金石之不殫。通典之不讀。受賄之不知。易鐘之不辨。而或以淺見寡聞。遷就杜撰。毋迺上負。

朝廷盛心而葺爲韋孟荀何和胡阮李范馬劉楊陶冷
諸賢所笑。

乾隆癸亥季穠月望婺源汪烜自敘

闔邑後學

梓行 同校

古樂經亡矣。樂記一篇。劉向所校。馬融因附之。小戴禮中。桓於禮記已爲之章句。茲又特表出之。呂爲樂經。非僭經也。其言理博大淵微。是廣博易良之教在是也。朱子表學庸呂剡之四子。呂明先聖之傳。則茲表樂記。呂備先王之經。其亦或可以無嫌者。

咎朱子皇皇於禮經。至寢疾病不忘。而於樂則未遑及。然未始不殷殷在念也。其徒蔡蜀山纂述律

呂新書。揆蹟索隱。鉤深致遠。幾與孔子之說卦同功。故朱子獨有深契焉。欲知樂者。捨是書則末由而樂記之言理。亦空譚耳。後世猶有逞私智。目背擊扁山者。茲特表而屬之樂記之後。明理無二致也。則呂是爲樂經之傳焉可也。

朱子云。季通更欲均調節奏。被之管弦。別爲樂書。以究其榮。然則均節奏。被管弦。固扁山志也不攷之器。不審其音。則樂之用不顯。茲用爲之續編。呂

附於後庶義理度數皆有可憑矣。

雙池汪紱再識

烜又
名紱

小字
重生

樂經律呂通解目次

卷之一

樂記 凡二十一章

附或問 凡二十二條

卷之二

律呂新書上 附序

律呂本原

黃鐘律

黃鐘之實

黃鐘生十一律

五聲

變聲

十二律之實

變律

律生

候氣

審度

八十四聲圖

六十調圖

謹權衡

卷之三

律呂新書下

律呂證辯

造律之實

律長短圍徑之數三分損益上下相生

黃鐘和

聲

五聲小大之次候氣度量權衡

變宮變徵

六十調

卷之四

續律呂新書上

八音考度

同律音

革音

人聲

金音

絲音

木音

石音

竹音

筍虞

千戚

羽箏

卷之五

續律呂新書下

定餘節節

樂章定和譜作樂

樂章譜大成樂譜

琴譜笙

廣用

樂經律呂通解卷之一

婺源汪烜輯

樂記

孔氏曰劉向校書得樂記二十三篇今取十

一篇合爲一篇曰樂本曰樂禮曰樂論曰樂施曰樂言曰樂象曰樂情曰魏文侯曰賓牟賈曰樂化曰師乙餘十二篇其名猶存曰奏樂曰樂器曰樂作曰意始曰樂穆曰說律曰季扎曰樂道曰樂義曰招本曰招頌曰賈公草廬吳氏曰禮經惟儀禮僅存而樂經則亡其經疑多是聲音樂舞之節少有辭句可讀可記故秦火之後無傳諸儒不過能言樂之義耳漢初制氏頗能記其鏗鏘鼓舞至劉向所得樂記二十三篇則又與河間獻王所撰二十四卷不同其所取十一篇合爲一篇者蓋亦刪取要略非全文也其餘十二篇及獻王之樂經則唐孔氏作疏時其書已亡絕矣愚按鄭本十目次既與今本不合而史記樂書次序又與

鄭本亦不同。吳草廬更定次序。實未見其必然。竊謂樂記一書。前後文雖不屬。而脈絡通貫。正是一篇文字。至若樂本樂論等篇名。大抵漢儒所題章目。如孝經開宗名義等章名之類耳。未必其本然也。今祇依孔疏本次序。而分爲二十一章如左。

凡音之起。由人心生也。人心之動。物使之然也。感於物而動。故形於聲。聲相應。故生變。變成方。謂之音。比音而樂之。及干戚羽旄。謂之樂。

比必二反而樂之樂音洛。音統聲樂言也。心者。人之神明。寂然不動。感而遂通者也。心不自動。必有物以感之。而後動。聲即心之所發。應應所感之物也。變如下文所云也。方猶曲也。長言而有序。曲折而抑揚也。音以人聲言。比合也。八音。金、石、絲、竹、匏。

土革木。樂之。猶言和之。干戚武舞。羽旄文舞也。音由心生。心以物動。物感而聲應。物之感無方。而聲之應亦以生變。言之不足。而長言之。長言之不足。故嗟嘆之。嗟嘆之不足。則不知足之蹈之。手之舞之。於是和以八音。舞以干羽。此一節言樂之所由生。由人心之有所感也。樂者音之所由生也。

其本在人心之感於物也。是故其哀心感者。其聲噍以殺。其樂心感者。其聲嘽以緩。其喜心感者。其聲發以散。其怒心感者。其聲粗以厲。其敬心感者。其聲直以廉。其愛心感者。其聲和以柔。六者非性也。感於物而后動。噍音焦。殺石介反。樂音洛。嘽昌展反。噍枯竭之意。殺先商而後微也。嘽開大也。緩紆徐。

也。粗暴厲猛也。廉稜角也。聲變而成方。然後比音而樂之。及于威羽旄。是樂生於音也。音由人心之感物而動。是其本在人心之感於物也。心之感於物者。有哀樂喜怒敬愛之殊。而聲之變以成方者。亦有嘒殺嘽緩發散粗厲直廉和柔之異。蓋人之心。至虛至靈。統性情以爲體用。方其寂然不動也。未發之中。不偏不倚。則哀樂喜怒敬愛之理具備。而實無哀樂喜怒敬愛之可言。所謂性也。及其感而遂通也。則隨所感而聲應之。所感有失得順逆尊親之異。則所發亦隨爲哀樂喜怒敬愛之情。是六者之情。則感於物而後動者也。此節承上文而言。情之所感不同。而聲隨以變也。是故先王慎所以感之者。故禮以道其志。樂以和其聲。政以一其行。刑以防其姦。禮樂刑政其極一也。所以同民心而出治道也。

道其之道音導行去聲。○性情之德人所同然。物之所感者。難投而心之動。無以自主。則欲動情勝。而性情之正以失。故所以感之者。不可不慎也。是故先王慎所以感之者。道其志。使一出於正也。和其聲。使不感於邪也。禮樂者。教民之主。而政刑者。爲治之輔。要皆慎所以感之者。所以同民心。使無失其性情之正而已。故曰其極一也。

右第一章。此章言樂之本。由人心之感於物。而先王制禮作樂。則以慎所感而同民心也。自此以下六章。皆反復申明此章之意。

凡音者。生人心者也。情動於中。故形於聲。聲成文。謂

之音。是故治世之音安以樂。其政和。亂世之音怨以

怒。其政乖。亡國之音哀以思。其民困。聲音之道與政

通矣。

心感於物而動爲情。情見乎辭爲聲。聲成文而爲音。故上之所感不同。而民俗歌謠之音以異。

世之治以政之和也。世之亂以政之乖也。國幾於亡則民之困於虐政者又不止於乖也。政卽禮樂政刑是也。安以樂者。和政之所感也。怨以怒者。乖政之所感也。哀以思者。困窮之所發也。聲音之道與政通者如此。苟出身加民者或失其道。則禮樂政刑無不乖戾。感非所感矣。故聖人審音以在治忽。以啓自省之端。而慎其感民之本也。

宮爲君。商爲臣。角爲民。徵爲事。羽爲物。

五者不亂。則無怙慝之病矣。

徵陟里反。怙音覘。慝昌制反。○宮屬土。而爲五

聲之主。商角徵羽皆由宮聲而定。故象君。商屬金。主義而近君。故象臣。角屬木。主生而難和。故象民。徵屬火。主禮。所以治事。羽屬水。主智。所以別物也。亂失其序也。怙懣不和也。和聲之法。十二律皆可起宮。宮下生徵。徵上生商。商下生羽。羽上生角。每宮各用五律。至角而止。其有徵羽之律長於宮商者。則取半律用之。故宮必最濁。商角徵羽以漸而清。五聲之序不相亂也。然宮商角徵羽各有君臣民事物之象。聲音之道通乎政治。則要必君臣民事物之間各得其道。而後官商角徵羽之聲亦從律而不姦。有雖欲強之而不可得者。此聽音之所以能在治忽也。五者指君臣民事物言。五者不亂。政之和也。無怙懣之音。治世之音安以樂也。宮亂則荒。其君驕。商亂則陂。其臣壞。角亂則憂。其民怨。徵亂則哀。其事勤。羽亂則危。其財匱。五者

皆亂。迭相陵。謂之慢。如此。則國之滅亡。無日矣。荒陵

危音之怙。慝也。驕壞怨勤。匱政之乖亂也。君臣民事物之道。皆亂。則宮商角徵羽之音。亦迭相陵。蓋此宮而犯於他宮。此律而姦於彼律也。慢。慝也。政治之得失。由於君。五聲之和。慢由於宮。君正。則臣民事物皆得其理。而無不正矣。宮正。則商角徵羽皆得其序。而無不和矣。君失其道。則臣民事物皆隨以乖。而五聲失序。此其感召之微。有存於不見不聞之表者。故作樂本於君身。而聽樂審音。以在治忽。亦所以自檢其身。而非徒求之樂也。鄭衛之音。亂世之音也。比於慢矣。桑間

濮上之音。亡國之音也。其政散。其民流。誣上行私。而

不可止也。

比。必二反。○慢。迭相陵也。桑間。桑林之中。濮上。濮水之上。皆衛地。衛風有桑中篇。史

記衛靈公適晉。舍濮水上。夜聞琴聲。使師涓聽而書之。及至晉。命師涓爲平公奏之。師曠曰。此師延靡靡之樂也。武王伐紂。師延投濮水中。故聞此聲。必於濮上。政散。故民流。政散。則民誣上。民流。則行私而不可止。此以證上節之說也。

右第二章

政者。上之所以感也。音生於人心。下之所以應也。此章言上之所以感民者。有得有失。而民之應者。有和有慢。故審音可以知政。而感民者。不可以不慎也。

凡音者。生於人心者也。樂者。通倫理者也。是故知聲而不知音者。禽獸是也。知音而不知樂者。眾庶是也。唯君子爲能知樂。是故審聲以知音。審音以知樂。審

樂以知政而治道備矣

倫類也。倫理謂事物之理。即上章君臣民事物之治亂是

也。音生於人心。故眾庶皆能知音。樂則協之六律。諧於五聲。而通乎倫理。故非察於倫理者。不足以知樂也。能審樂之和否。而通之政。則能自考其得失。而脩政矣。故治道備也。

不可與言音。不知音者。不足與言樂。知樂則幾於禮

矣。禮樂皆得。謂之有德。德者得也。

應氏曰。幾。察也。倫理之中。皆禮之所

寓。知樂則通於禮矣。不曰通而曰幾者。辨析精微之至也。愚按。禮樂非有二事。物得其序。則得其和。失其序。則失其和。苟不能齊明盛服。非禮不動。則一身之間。且有失其倫理者。而何足以與於樂哉。故知樂而通於政者。必其能幾於禮而體之身者也。知樂則樂得矣。幾於禮。則禮得矣。德行道而有得於心之謂也。

此所以出身加民而爲禮樂教化之原也。篇中至此始以禮樂合言。蓋施於用。若有兩途。而體之身。則無二致也。周子曰。禮理也。樂和也。陰陽理而後和。君君臣臣。父父子子。兄兄弟弟。夫夫婦婦。萬物各得其理而後和。故禮先而樂後。是故樂之隆。非極音也。食饗之禮。非致味也。清廟之瑟。朱弦而疏越。一倡而三歎。有遺音者矣。大饗之禮。尚玄酒而俎腥魚。太羹不和。有遺味者矣。是故先王之制禮樂。非以極口腹耳目之欲也。將以教民平好惡而反人道之正也。

○極音致味。謂求其音味之美。以遂其口耳之奉也。清廟。周頌篇名。疏通也。越。瑟底孔也。練絲而樂之。則

聲平。疏越則聲緩。一倡三歎。一人唱而三人和也。遺者有餘不盡之意。深則欲心平。和則躁心釋。故樂不欲致音而主於淡和。蓋養心莫善於寡欲。寡口腹耳目之欲。乃所以養心治躬而爲成德之本也。禮樂皆然。記者舉二端以見例耳。人道之所以失其正者。好惡之欲累之也。先王之制禮樂。亦惟本其所自治者而推之以治人耳。禮以節之。樂以和之。則好惡平而人道正矣。

右第三章

此章承上章言樂通於政而惟君子能知之。故君子不敢違禮縱欲。

以立政之本。而後制禮樂以教民。皆首章慎所感而同民心之意也。

人生而靜。天之性也。感於物而動。性之欲也。

劉氏曰

靜喜怒哀樂未發之中。天命之謂性。感於物而動。則性發而爲情也。愚按。不曰情而曰欲者。情乘氣而動。

則中節者恆少。不中節者恆多。記因下文而立言。故直曰欲。然欲亦未便是不善邊。但其易流者耳。欲合於正。則欲亦無害。但既合於正。則亦不見其爲欲矣。此曰性之欲。則未離乎本善之體。而善惡未有定嚮焉者也。物至知知。然後好惡形焉。好惡皆去聲。○朱子字用也。劉氏曰。人心虛靈知覺。事至物來。則必知之。而好惡形矣。愚按。知。卽天之性也。物至而知。遂知之。感於物而動也。好惡形焉。則所謂性之欲也。好惡無節於內。知誘於外。不能反躬。天理滅矣。夫物之感人無窮。而人之好惡無節。則是物至而人化物也。人化物也者。滅天理而窮人欲者也。於是。有悖逆詐僞之心。有淫佚作亂之事。

是故強者脇弱。眾者暴寡。知者詐愚。勇者苦怯。疾病
不養。老幼孤獨不得其所。此大亂之道也。好惡皆去
聲。知者之內。知本在內。
知音智。○好惡發於外。而節好惡者在內。知本在內。
而誘知者自外。強弱以力言。眾寡以人言。知愚勇怯
以氣質言。劉氏曰。好善惡惡。則道心之知覺。原於義
理者也。好妍惡媸。則人心之知覺。發於形氣者也。好
惡無節於內。知誘於外。則是道心昧而不能為主。人
心危而物來誘之。不能反躬以思其理之是非。則人
欲熾而天理滅矣。况以無節之好惡。而接無窮之物
誘心。爲形役。而違禽獸不遠矣。違禽獸不遠。則氣剛
者決。力強者奪。此所以爲大亂之道也。愚按此節言
人心不能無所感。而無以平其好惡。則其害至於如
此。是故先王之制禮樂。人爲之節。衰麻哭泣。所以節

喪紀也。鐘鼓干戚，所以和安樂也。昏姻冠笄，所以別
男女也。射鄉食饗，所以正交接也。禮節民心，樂和民
聲，政以行之，刑以防之。禮樂刑政，四達而不悞，則王
道備矣。衰七雷反。安樂之樂，音洛。冠去聲。別必列反。
食音嗣。○劉氏曰：先王制禮樂，因人情而爲
之節。因其哀死而喪期無數，故爲之衰麻哭泣之數。
以節之。因其好逸樂而不能和順於義理，故爲之鐘
鼓干戚之樂以和之。因其有男女之欲而不知有別
故爲昏姻冠笄之禮以別之。因其有交際之事而或
失其正，故爲射鄉食饗之禮以正之。愚按：禮節於外，
所以直其中也。樂和其中，所以善其發也。政則率民
以行此禮樂，刑則防民之不率此禮樂者而已。以四
者達於天下而盡善不悞，則王者治民之道備矣。此

節言先王制禮樂所以

樂者爲同。禮者爲異。同則相

親。異則相敬。樂勝則流。禮勝則離。合情節貌者。禮樂

之事也。禮義立。則貴賤等矣。樂文同。則上下和矣。好

惡著。則賢不肖別矣。刑禁暴。爵舉賢。則政均矣。仁以

愛之。義以正之。如此。則民治行矣。

好惡皆去聲。同者。人之性情也。異

者。人之分藝也。性情之同。萬物一體。分藝之異。自卑尊人。流者和而無節。離者嚴而不泰。此非禮樂之失。人率其氣習之偏。以失之也。樂以合情。禮以飾貌。所以救流離之失也。禮必有義。禮飾貌。文也。而義則當其實。樂必有文。樂合情。內也。而文則有其節。故禮之義立。則貴賤有等。而不失之離。樂之文同。則上下和

睦而不失之流。貴賤等。禮之庸也。上下和。禮之厚也。有禮樂以平其好惡。故好賢惡不肖。而賢不肖別。由是禁暴舉賢。則政無不和。命討以天。舍仁者。樂之本。萬物一體。義者禮之體。定分秩然也。以樂合情而和上下。卽仁以愛之。以禮飾貌而等貴賤。卽義以正之也。曰仁曰義。則本於君身之盡性言之。而非徒禮樂之虛文矣。禮樂同原而並行。故相資以爲用。此節言禮樂之效。好惡平而人道正也。樂由中出。禮自外作。樂由中出。故靜。禮自外作。故文。大樂必易。大禮必簡。樂至則無怨。禮至則不爭。揖讓而治天下者。禮樂之謂也。暴民不作。諸侯賓服。兵革不試。五刑不用。百姓無患。天子不怒。如此。則樂達矣。合父子之

親明長幼之序。以敬四海之內。天子如此。則禮行矣。
易音異。長上聲。應氏謂四海之內四字。當在合字之
上。今從之。和順由於心。故樂由中出。威儀動於外。
故禮自外作。樂由中出。和而節。故靜。禮自外作。嚴而
泰。故交。易平。易簡不煩也。中和祇肅。性所自具。而非
難也。子臣弟友。事在家庭。而非煩也。順其性之自然。
人人所同。故易。循乎理之當然。因物付物。故簡。若徒
縱情以忘反。則人惡其險矣。虛文而無實。則人厭其
煩矣。豈禮樂之道哉。同天下之情。而無少私曲。易之
至矣。人皆遂其本然之情。而何怨之有。定天下之分。
而適當其則。簡之至矣。人各安其當然之分。而何爭
之有。禮樂之至。而天下無怨不爭。是揖讓而治。天下
也。試用也。天子不怒。無所庸其怒也。暴民息。諸侯服。
兵刑措。民和而君無爲。無怨之實也。四海之內。各親
其親。各長其長。而共戴天子。不爭之實也。必如此。而

後爲樂達禮行。人君當觀民以自考也。此節言好惡平人道正之至。禮樂之極功也。然曰易曰簡則亦適還夫人性之所固有。而非有加於天下之民矣。

右第四章

此章承上章教民平好惡反人道而言。以申首章之意。章首三節。卽

首章次節之意也。先王制禮樂以下。卽首章末節之意也。至末節而言禮樂之治極其至矣。下三章則又推禮樂之本於天地而歸制作之能於聖人也。吳本以篇首至此章王道備矣止。統爲樂本篇。分樂者爲同以下至則此所以與民同也止。爲樂論篇。愚按樂者爲同二節。卽禮樂政刑四達不悖之意。其言好惡著刑政均民治行。樂達禮行。則分明見好惡平人道正。且與首章禮樂政刑其極一也。所以同民心而出治道也。語正相應。其在

此章之末無疑。若下二章語意。雖與此章末二節相承。然此章王道備矣。如此則民治行矣。如此則樂達矣。如此則禮行矣。其語氣一類。自是層層結上。下二章又各成片段。不害其別成一章。讀者深味焉。當自得之。毋徒求合於正義分篇之說也。

大樂與天地同和。大禮與天地同節。和故百物不失。節故祀天祭地。明則有禮樂。幽則有鬼神。如此則四海之內。合敬同愛矣。禮者。殊事合敬者也。樂者。異文合愛者也。禮樂之情同。故明王以相沿也。故事與時竝。名與功偕。承上章大樂必易。大禮必簡而言。易之至。則與天地同和。率其自然而無所強。

也。簡之至。則與天地同節。循其當然而無所爲也。率其自。然。故百物無不遂其生。循其當然。故天地亦各安其位。祀天祭地。猶言郊焉。而天神假也。在聖人之制作。則爲禮樂。在造化之功。用則爲鬼神。其實一理而已。經曲之事。殊而敬同。聲律之文。異而愛同。禮樂之大。建諸天地。而不悖。質諸鬼神。而無疑。如此。故能使四海之內。無不一於愛敬。此大禮大樂之化成也。敬愛之情。同。故明王因之。而不能變。而禮樂之文。異。事殊。則明王不無損益於其間。惟其與時通變。而不失其情之同。故事與時並。如唐虞之時。則有揖讓之事。湯武之時。則有征誅之事。而凡文質三統。無不與時通變。以使民宜之。名與功偕者。功成作樂。故歷代樂名。皆因其所立之功。而名之也。朱子。日。禮主減。樂主盈。鬼神亦只是屈伸之義。故鐘鼓管

也。簠簋俎豆。制度文章。禮之器也。升降上下。周還裊襲。禮之文也。故知禮樂之情者能作。識禮樂之文者能述。作者之謂聖。述者之謂明。明聖者。述作之謂也。

還音旋。綴舞者之行位相聯綴也。兆。舞位之營兆也。文深於器。情深於文。器者有司之事耳。文雖與時損益。而一王定制。有迹可循。故賢者能因文以察情。若情則雖明王所相沿。而時中之道。有非深得乎易簡之理。以有之於身者。不能因時制宜。以爲天下之法守而無弊也。故惟聖者能之。

右第五章

此章承上章易簡之意而言其成功之所合。因言明王制作情則相

沿而無可變。而文之損益則因乎時。亦以成功言也。文者道之散殊。故賢者能述之情則

道之一本。惟聖人能知之。惟聖人知禮樂之情。故能與時損益。使民宜之。而制作之成功。乃合于天地矣。

樂者。天地之和也。禮者。天地之序也。和故百物皆化。

序故羣物皆別。樂由天作。禮以地制。過制則亂。過作

則暴。明於天地。然後能興禮樂也。承前章樂者為同

者。一本之體。訪合無間。天地之氣。氤化醇也。異者萬殊之。分秩然有序。天地之各正性命也。訪合無間。百物之所以並行。秩然有序。羣物之所以不害不悖。此天地之本然也。法天地之和。樂之所以由作也。效天地之序。禮之所由制也。天知始而地成物。故以樂屬天。以禮屬地。由天作者。法其運動之機。以地制者。樂經律呂通解

守其一定之理。然禮有定制。而莫非出於自然。若過
於制。則反亂而失序矣。樂主振作。而要適合。夫當然
若過於作。則反暴而不和矣。此人事之宜然也。天地
之道。循環無端。而對待有體。動而不流。靜而不滯。故
明於天地之道。然後能興禮樂。而無過作。過制之失
也。劉氏曰。前言同和同節。言成功之所合。此言天地
之和。天地之序。言效法之所本。蓋聖人之禮樂。與天
地之陰陽。相爲流通。故始焉法陰陽以爲禮樂。終也
以禮樂而論倫無患。樂之情也。欣喜歡愛。樂之官也。
贊夫陰陽。論倫無患。樂之情也。欣喜歡愛。樂之官也。
中正無邪。禮之質也。莊敬恭順。禮之制也。若夫禮樂
之施於金石。越於聲音。用於宗廟社稷。事乎山川鬼
神。則此所與民同也。夫音扶。論者言之有物也。倫
者行之有恆也。無患不自失也。倫

情實也。欣喜情之慤於中。歡愛情之暢於外。官主也。中者內之直。正者外之方。中正則無邪矣。莊敬所以持已恭順。所以接人也。此亦以禮樂本然之理言。言行動而交於人。論倫無患和也。而樂之實存然矣。以欣喜歡愛爲主。則動而振作矣。然論倫無患。則作而不暴也。敬義靜而脩於己。中正無邪。序也。而禮之實存然矣。以莊敬恭順爲制。則靜而有檢矣。然中正無邪。則制而不亂也。蓋樂以論倫無患爲實。而人則主於欣喜歡愛以出之。禮以中正無邪爲質。而人則要於莊敬恭順以守之。及夫播於聲音。用之祭祀。則禮樂之事興焉。亦不過卽此情實官制以爲教。而推之以與民共由焉已耳。王者功成作樂。治定制禮。其功大者其樂備。其治辨者其禮具。干戚之舞。非備樂也。孰亨而祀。非達禮也。五帝殊時。不相

沿樂。三王異世。不相襲禮。樂極則憂。禮粗則偏矣。及

夫敦樂而無憂。禮備而不偏者。其唯大聖乎。

辨音遍
亨音烹

夫音扶。王者乘時赴功。而卽其所成之功。以著之於樂。因世定治。而卽其所定之治。以爲禮。功治定於一時。而禮樂則將以垂之永久者也。功大而治遍。故樂備而禮具。言大無不包。小無所遺。亦效天之百物皆化。羣物皆別也。然所謂具備者。非干戚而舞孰亨而祀之謂也。蓋制作因乎時世。其迹不相沿襲。而序和之理。情質官制。則無或殊。過作而暴。則樂極憂生。過制而亂。則粗迹之偏。惟厚於樂而無憂。禮制備而不偏。爲有以和上下而等貴賤。則禮具樂備之謂矣。非明於天地之道者。孰能與此。以治功言。則曰王者以德業言。則曰大聖。內聖外王。其實一也。

右第六章

此章承前章同異之意。而言效法之所本。因言帝王制作。不相沿襲。

而要於敦樂無憂。禮備不偏。亦以效法言也。聖王制作。與民共由。而制作之盡善。惟聖人擅之。蓋以身有其德。故於天地之序和有默契焉。是以能效法乎天地。而與禮樂也。○吳本分此章末節合之下章。為樂禮篇。今按功成作樂。治定制禮。二句。正與樂由天作。禮以地制。二句相應。樂極則憂。禮粗則偏。二句。正與過制則亂。過作則暴。二句相應。無憂不偏者。惟大聖。正與明於天地。然後能興禮樂相應。語意結上而非起下。其屬之此章之末。無疑。若截去此節。屬之下章。則則此所與民同也。句。以收本篇樂論。語氣亦款足矣。下章雖亦與此章相承。然天高地節。冒下別和兩節。至末節。又作總收。自成片段。讀者其細玩。

之當自見也。

天高地下。萬物散殊。而禮制行矣。流而不息。合同而化。而樂興焉。春作夏長。仁也。秋斂冬藏。義也。仁近於樂。義近於禮。樂者敦和。率神而從天。禮者別宜。居鬼而從地。故聖人作樂以應天。制禮以配地。禮樂明備。天地官矣。長之丈反。高下定位。而萬物秩然。天地之序也。於穆不已。而生意油然。天地之和也。雲行雨施。品物流形。仁也。各正性命。保合太和。義也。仁非有樂之文。而油然者。樂之氣象。義非有禮之迹。而秩然者。禮之體段。故曰近之。聖人因天地之仁。而作樂以宣之。因天地之義。而制禮以範之。是效法

之所本也。敦加厚也。人物得天地之和而樂以加厚之。所以循流行之化而順天德之生也。人物得性命之宜而禮以別異之。所以守斂藏之久而順地道之成也。樂以應天。禮以配地。故樂明而物遂其情。禮備而物安其分。則天地亦以官焉。此成功之所合也。禮未嘗不本於天。樂未嘗不本於地。然樂從天而禮從地者。資始本天德之倡而利貞則地以代終也。聖人效法天地以作樂制禮而禮樂之成則能使天地官天地能示人以道而不能使人之盡道。故脩道之教必有藉乎聖人。聖人之制作明備則天地氣化亦若就聖人之範圍而無復遺憾。此所以贊化育而參天地與。天尊地卑。君臣定矣。卑高以陳。貴賤位矣。動靜有常。小大殊矣。方以類聚。物以羣分。則性命不同矣。在天成象。在地成形。如此則

禮者天地之別也。尊卑卑高動靜方物以天地之序言。君臣貴賤小大性命以禮制之。
合言也。天尊地卑。天地自然之君臣。卑高雜陳。兩間自然之貴賤。陽動陰靜。各有其常。陰陽自然之定分。小謂陰。大謂陽也。方猶術也。方之同者。則以類聚。物之異者。則以羣分。庶物各正之性命。凡此在天者。則如日月星辰各垂其象。在地者。則如山澤高下各呈其形。皆莫非自然之序之所燦著。聖人之制禮。不過法此而已。是禮者。天地之別也。應氏曰。此卽所謂天高地下。萬物散殊。而禮制行焉也。地氣上齊。天氣下降。陰陽相摩。天地相蕩。鼓之以雷霆。奮之以風雨。動之以四時。煖之以日月。而百化興焉。如此則樂者天地之和也。齊音躋。齊升也。陰陽以氣言。天地以形言。天繞地而左旋。是

亦其相蕩也。鼓之、動其機也。奮之作其氣也。百化、百物之氣化也。凡此皆莫非自然之化之所合同。聖人之作樂亦不過效此而已。是樂者天地之和也。應氏曰：此卽所謂流而不息、合同而化而樂興焉也。化不時則不生，男女無辨則亂升。天地之情也。化以和言。男女

以別言。天地之化不時則萬物不生矣。乾道成男。坤道成女。人而男女無辨則亂作矣。此理之自然。故曰天地之情也。天地之化不時則不和而序亦以失。人倫之辨失則無序而化亦以乖。天地之和。禮樂天人一致而已。此總結上兩節也。

及夫禮樂之極乎天而蟠乎地。行乎

陰陽而通乎鬼神。窮高極遠而測深厚。樂著大始而禮居成物。著不息者天也。著不動者地也。一動一靜

者天地之間也。故聖人曰禮樂云。

夫音扶。此乃以聖人之制作言發。

育萬物。峻極於天。樂之極乎天也。禮儀三百。威儀三千。禮之蟠乎地也。陰陽以對待言。鬼神以屈伸言。樂率神而從天。禮居鬼而從地。行乎陰陽而通乎鬼神也。測深入之意。窮高極遠而測深厚。言禮樂之太無不屈而小無不入也。知大始者天之道。而樂以宜其和。作成物者地之道。而禮以定其序。宜其和則羣生以無不遂。定其序則性命以無不正。是大始以樂而著。而成物以禮爲居也。羣遂其生則氣化通而不息。各正性命。則定分安而不動。夫不息者天也。而樂則顯其不息之運。是樂亦天而已。不動者地也。而禮則顯其不動之理。是禮亦地而已。同和同節。蓋不足以言之也。然樂主乎動。而未始不藏於靜。禮主乎靜。而未始不顯於動。樂之用未嘗無節。而禮之本未始不和。蓋陰陽無始。循環無端。一動一靜。互爲其根。陰陽

本無二氣。禮樂亦非二道。故曰一動一靜。天地之間。猶易大傳云一陰一陽之謂道也。禮樂之至。與天地一。故聖人著其教以示天下也。蔡氏曰。禮樂祇是一理。禮之和卽樂。樂之節卽禮。善觀者知陰陽之所以一二。又知陰陽之所以爲一。則達禮樂之用矣。

右第七章

此章言天地之序和。卽本然之禮樂。而聖人之制作。一。天地之序和。故效法天地者。還而贊助天地。所以總結上二章之意也。

昔者舜作五絃之琴。以歌南風。夔始制樂。以賞諸侯。故天子之爲樂也。以賞諸侯之有德者也。德盛而教尊。五穀時熟。然後賞之以樂。故其治民勞者。其舞行

綴遠其治民逸者其舞行綴短故觀其舞知其德聞

其謚知其行也

舞行之行音杭其行之行下孟反○

樂也南風之詩見孔子家語夔舜臣名始制樂以賞諸侯謂舜命之使廣其德教於天下然以樂賞諸侯自夔始耳非謂夔之制樂專以賞諸侯故也爲樂以賞諸侯之有德者言惟有德者乃以樂賞之德盛則其教必尊而年必順成教尊穀孰又盛德之徵也蓋諸侯不得自作樂則用樂必待天子之賜而天子之賜諸侯樂也又必稱其功德之所象故行綴之長短視其治民之勞逸所以勵諸侯使興起於德也古者爵必稱德如三德有家六德有邦而樂舞亦稱之若諸侯六佾大夫四佾之類然唐虞之制詳不可考矣若樂以移風易俗然又必其有德而後以樂稱之者周子所謂政善民安人心和而後作樂之意蓋非有德

無以用樂。而非樂教又無以成其德業教化之盛。虞書勸之以九歌。俾勿壞。則樂教之道也。然虞書以樂教胄子。則天子諸侯卿大夫士之子。皆得與於樂教。而諸侯之必待賜樂者。蓋祭祀燕饗得以用樂。則必待有德而後賜之也。大章。章之也。咸池。備矣。韶。繼也。夏。大也。殷周之樂。盡矣。大章。堯樂。咸池。或云黃帝樂。或云堯樂。樂。武也。章之云者。釋樂之名義。言章其大德於天下也。咸。皆也。池。施。備。謂德施普也。繼。繼堯致治。太。事功之大。盡。猶備也。言事功之盛。無不至也。以德之隆。言則孔子以韶爲盡善。以樂之備言。則殷周爲至。意各有所主也。此卽前章所謂事與時並名與功偕者。歷舉六代之樂而釋之。所以證觀舞知德之說也。

右第八章。言觀舞知德。蓋又本之君身言之。

樂經律呂通解卷一

樂記

大

以起下六章之意

吳本以此下爲樂施篇

天地之道。寒暑不時則疾。風雨不節則饑。教者民之
寒暑也。教不時則傷世。事者民之風雨也。事不節則
無功。然則先王之爲樂也。以法治也。善則行象德矣。
寒暑不時則人感不正之氣而生疾。教不時則人感
邪惡之化而興慝。風雨不節則旱乾水溢而歲饑。事
不節則莫知適從而萬事叢脞。蓋道無定體。隨時而
在。帝王之禮樂所不同者。時而已耳。天地之道。無時
不然。無物不有。先王制作。事與時竝。名與功偕。所以
因時敷教而事爲之節。是法天地之道而施之以治
民也。教無不時。事無不節。則盡
善而民之事行。亦徧爲爾德矣。夫黍禾爲酒。非以爲

禍也。而獄訟益繁。則酒之流生禍也。是故先王因爲酒禮。壹獻之禮。賓主百拜。終日飲酒而不得醉焉。此先王之所以備酒禍也。夫音扶。孔氏曰。鄉飲酒禮也。愚按。禮以防禍。特舉飲酒之禮。以例其餘。見因時節事之一端也。故酒食者。所以合歡也。樂者。所以象德也。禮者。所以綴淫也。食音嗣。綴。止也。承上文而言。象德。謂行象德。綴淫。謂備生禍。是故先王有大事。必有禮以哀之。有大福。必有禮以樂之。哀樂之分。皆以禮終。樂音洛。大事。謂凶喪哀樂之事。皆節之以禮。此先王之以綴淫也。樂也者。聖人之所以樂

也。而可以善民心。其感人深。其移風易俗。故先王著其教焉。以樂之樂音洛應氏本漢志俗字下增一易字音以鼓反今當從之。聖人之所以樂自樂其天而已。然樂而有節。而其道則人心所同。故可以善民心也。本自樂者以感人。故感人深。有以善民心。故移風易俗易。聖人本自樂者以教民。乃所謂象德也。禮先而樂後者。無以綴其淫。不能使之象德。此施教之序。亦惟其時也。

右第九章

承上章言先王制作。因時施教。而

德也。○史記樂書於皆以禮終之下。接樂也者。施也。至然後可以有制於天下也止。然後復接樂也者。聖人之所以樂也。蓋因樂也者三字而錯簡耳。

夫民有血氣心知之性。而無哀樂喜怒之常。應感起

物而動。然後心術形焉。

夫音扶。樂音洛。血氣心知之性。以知覺運動言。應感起

物而動。應其感起於物者而動也。術猶撰也。心之所撰。即哀樂喜怒是也。形發見也。感之以正。而道心生。

感之以欲。而人心是故志微噍殺之音作。而民思憂

動。乃所謂無常也。志當作急。噍音焦。殺色介反。以下六條。皆言音之

感人。而人心應之如此。志微急促而微細也。急微噍殺。音之哀思者。以哀思之音

感人。則民亦感之而思憂矣。

噍諧慢易繁文簡節之

音作。而民康樂。

噍昌展反。易音異。樂音樂。噍寬。諧和。慢緩。易平也。繁文簡節。多文辭而

略於節奏也。此音之和樂者。以和樂之音感人。則民亦感之而康樂矣。

粗厲猛起奮末

廣賁之音作。而民剛毅。

賁音憤。○猛起。起之暴也。奮末。終之厲也。廣賁。中間之憤。

激也。此音之暴怒者。以此廉直勁正莊誠之音作。而

民肅敬。

勁正。堅強而端正也。此音之肅敬者。以此感民。則民亦感而肅敬矣。寬裕肉好

順成和動之音作。而民慈愛。

肉而救反。好去聲。○肉璧之地。好璧之孔。音之

圓滿而溫潤似之。此音之慈祥豈弟。流辟邪散狄成

滌濫之音作。而民淫亂。

辟音僻。狄他歷反。○狄。逃同。遠也。成。一終也。流。靡邪散淫。

液而繁節。故其成甚長。滌濫如水之滌物。蕩漾而濫

無分際也。此音之淫佚者。故以此感人。則民亦感之而淫亂也。音感於外。而民之心術是故先王本之情

應於中。此上章所謂感人深也。

性。稽之度數。制之禮義。合生氣之和。道五常之行使。之陽而不散。陰而不密。剛氣不怒。柔氣不懾。四暢交於中。而發作於外。皆安其位而不相奪也。道去聲。應感起物而動情也。其未動之體。則性也。稽察也。度數。如律呂長短之度。上下損益之數也。禮者。上下尊卑之體。而義則禮之實。因時之宜也。情性者。樂之大本。而情失其節。則失其中和之氣。以流蕩忘反矣。律呂之長短損益。卽生氣自然之節次。而人不得以私意增損於其間者。其在人。則天人之交。天命之性也。先王稽之度數。則合乎生氣之和。而情之本有由立矣。禮義著於事物。皆天理當然之所在。而人所不可須臾離者。率性之道。中節之和也。先王制之禮義。則循乎五常之行。而性之用有其節矣。陰陽以天氣言。剛柔以地

氣言。人得天地之氣而生。則人之氣。即天地之氣。所謂生氣也。陽過則散。陰過則鬱。剛過則怒。柔過則懼。其在樂。則音之所以乖。而在人。則情之所以流。惟稽之度數。以爲之則。使之律呂相維。而陰陽無偏勝之患。旋相爲宮。而剛柔有相濟之用。此所謂合生氣之和也。和暢之氣。交於中。則不偏不倚。是以發於外者。皆五聲成文。而安其位。八音克諧。而不相奪。而禮義之制。亦寓乎其中矣。中者。樂之未發也。而和氣已寓於度數。外者。聲之所著也。而禮義即寓於聲詩。此先王作樂之道之所本。而用之以感人者也。然後立之學等。廣其節奏。省其文采。以繩德厚。律小大之稱。比終始之序。以象事行。使親疎貴賤長幼男女之理。皆形見於樂。故曰樂觀其深矣。

奏音族省悉井反
稱去聲比必二反

行下孟反長之丈反見賢遍反觀官換反。立之學所以爲教也。立之等所以節事也。廣播省察也。節奏歌舞之節。文采聲容之著也。夫本生氣之和以發爲聲容。既有以養人之中矣。而凡播之聲容歌舞者。又必省其節文。以使皆衷乎禮義。是以使學者涵濡於斯。則有以閑其非僻之干。而成其性情之德。是所謂以繩德厚也。此以言立之學也。律齊之以法。比聯之以序。大小之稱。稱事物之大小。而以樂象之。終始之序。序事物之始終。而以樂比之。行之於身。謂之行。措之邦家。謂之事。夫道五常之行。以和其性情。既有以中物之節矣。而凡事物之小大終始。又爲之律之比。之以使皆合乎度數。是以本所樂者而發之。則歌有以象其功。舞有以象其德。是所謂以象事行也。此以言立之等也。繩德厚。而人倫之理存。象事行。而人倫之事著。觀示法也。樂觀猶言樂教。樂觀其深矣。蓋古有是言。而記者引之。

右第十章

承上章感入深而言。民心無常。惟其所感。而聲音之感人。則尤其速。

者。故先王作樂。必合生氣之和。道五常之行。以繩德厚而象事行。則樂之教人亦以深也。作樂之實。此章爲詳。惜制度之實。今已茫無可考。周子曰。淡則欲心平。和則躁心釋。又曰。樂聲淡則聽心平。樂辭善則歌者慕。妖聲豔辭之化亦然。今按此章之言。蓋與周子之言相表裏。然則學者試由此而繹之。古樂之所以爲古樂也。可想見矣。

土敝則草木不長。水煩則魚鼈不大。氣衰則生物不遂。世亂則禮慝而樂淫。是故其聲哀而不莊。樂而不安。慢易以犯節。流湎以忘本。廣則容姦。狹則思欲。感

條暢之氣滅平和之德。是以君子賤之也。

樂而之樂音洛易以

鼓反。感如字。敝力竭也。煩擾也。湏沈沒之意。廣則容姦。狹則思欲。謂淫樂之述成。則中容姦律之音。而促節。則動人以貪欲之念也。樂主乎盈。盈而不反。則放。故條暢之氣過。則平和之德滅。周子曰。後世禮法不脩。政苛刑紊。縱欲敗度。下民困苦。謂古樂不足聽也。代變新聲。妖淫愁怨。導欲增悲。不能自止。故有賊君。棄父。輕生。敗倫。而不可禁者。亦此節之意也。故有將言樂之移風易俗。故先言此。以起下文之意。凡姦

聲感人。而逆氣應之。逆氣成象。而淫樂興焉。正聲感

人。而順氣應之。順氣成象。而和樂興焉。倡和有應。同

邪曲直。各歸其分。而萬物之理。各以類相動也。

倡和分皆

去聲。○姦聲。卽上文所云者。逆氣拂乎生氣之和者。成象被之管弦。動以干羽也。正聲如下文所云者。聲以發於人者。言氣以律呂之動於自然者。言聲倡而氣和之。成象卽聲氣之著樂。卽所成之象。聲氣各以類應。而萬物之理亦各以類相感。故風俗亦視乎樂之所感而移易。而君子必當以正聲順氣爲之倡也。是故君子反情以和其志。比類以成其行。姦聲亂色不留聰明。淫樂慝禮。不接心術。惰慢邪辟之氣不設於身體。使耳目鼻口心知百體皆由順正以行其義。比必二反。行下孟反。辟音僻。○倡和之應各歸其分。故君子欲以樂移易天下者。必先自反而自脩焉。情易流而不反。情流則志以乖。反情所以和其志也。此敬以直內也。比依類善也。比類以成其行。義以方外。

也。姦聲亂色。不留聰明。比類成行之事。淫樂慝禮。不接心術。反情和志之事。順正謂正聲順氣也。身心內外皆由順正。則足以興和樂而爲移風易俗之本矣。真氏曰。君子之所以自養者無他。內外交致其功而已。姦聲亂色。不留聰明。養其外也。淫樂慝禮。不接心術。養其內也。情慢之氣。自內出者也。邪僻之氣。自外入者也。二者不設於身體。則是外而耳目鼻口百體內而心知。皆由順氣正聲以行其義。自養之功畢矣。然後發以聲音。而文以琴瑟。動以干戚。飾以羽旄。從以簫管。奮至德之光。動四氣之和。以著萬物之理。是故清明象天。廣大象地。終始象四時。周旋象風雨。五色成文而不亂。八風從律而不姦。百度得數而有常。

大小相成。終始相生。倡和清濁。迭相爲經。故樂行而

倫清。耳目聰明。血氣和平。移風易俗。天下皆甯。

還音旋倡

和皆去聲。○身心內外皆由順正。則德成於己。然後發以聲容。則皆正聲順氣。而無不莊。不安犯節。忘反之失矣。奮發也。至德。卽其所得於己者。至德發於聲容。則聲容皆至德之光也。四氣之和。卽陰陽剛柔之氣。生氣之和也。動四氣之和。所謂正聲感而順氣應者也。萬物之理。卽親疎貴賤長幼男女之理。五常之行也。若萬物之理。則順氣成象矣。清明以氣象言。廣大以體段言。終始以次序言。周還以節奏言。象天地四時風雨。此皆順氣所成之象。然非作意而爲之者也。五色以配五聲。宮黃商白角青徵赤羽黑。雜以成文。謂清濁高下各得其序。論語所謂繳如者也。八風以配八音。西方閭闔風。其音金。西北不周風。其音石。

北方廣莫風。其音革。東北條風。其音匏。東方庶明風。其音竹。東南清明風。其音木。南方景風。其音絲。西南涼風。其音土。合作同聲。皆比於律。而無彼此不諧之失。則所謂純如者也。不曰五聲入音。而曰五色入風者。蓋以兼舞之容綴言之。百度凡樂器之制度。舞者綴兆。皆是也。得數而有常。合乎律呂之長短大小。輕重而無參差不齊之失。各守其常而不易也。此三者。和樂之經也。小大相成。八音有大小。五聲有高下。而彼此相濟。前後相輔。無失大失小之病也。終始相生。纍纍如貫珠。無絕續之病。此所謂繹如者也。此倡彼和。或清或濁。各有條理。而合以成章。所謂迭相爲經。此四句。和樂之倫也。樂無不和如此。可以繩德厚而象事行矣。故立之學等。以教天下。則萬物之理無不清明。使人耳之所接者皆正聲。而姦聲無自以塞其聰。目之所交者皆正色。而亂色無自以蔽其明。身之所動者皆順氣。而血氣和平。是以風移俗易。而天

下皆甯也。本其所自得於身。故曰樂者樂也。君子樂者以教人。此和樂之成也。

得其道。小人樂得其欲。以道制欲。則樂而不亂。以欲

忘道。則惑而不樂。樂也。以下樂字皆音洛。此反本

道制欲則有和平之樂。而是故君子反情以和其志。

無姦慝之惑矣。小人反是。廣樂以成其教。樂行而民鄉方。可以觀德矣。鄉去聲。以道

制欲則樂而不亂。故君子必反情和志以成己。而後

廣樂成教。以及人反情和志。交此類成行之本。不言

比類成行。舉內以該外也。方義也。樂行而民鄉方。則

風移俗易矣。是可以驗君子之德也。此兩節總結上

文之意。

右第十一章

此章承前章移風易俗而言。聲氣之感各以類應。故君子自慎。

其身以立禮樂之本。然後本其所自得者以著之樂。則和樂之行。天下被之。風移俗易矣。然此章之言實與上章相表裏。上章言制作之詳。此章言自脩之本。有自脩之本。而後可語制行之詳。則非分二事也。顧凡樂皆感人深。而移風易俗必期於德。是以各有所主言之。篇內第二章已見樂本於德之意。而脩德之實。則此章為始詳。讀者宜深玩焉。吳本以上章及此章首節為樂言章。而劉自凡姦聲感人以下及下四章為樂象法章。今按此章語意甚明。結構甚密。且與教時節事章旨意正相應。何必附會正義也。

德者性之端也。樂者德之華也。金石絲竹。樂之器也。

詩言其志也。歌咏其聲也。舞動其容也。三者本於心。然後樂器從之。是故情深而文明。氣盛而化神。和順積中。而英華發外。唯樂不可爲僞。性莫非德。然性無可見。而德則誠中形外。故德爲性之端。而樂又以章德。是樂者德之華也。詩歌舞三者。皆樂之事。而志聲容三者。皆本於心。心之所之。曰志。而詩以言之。然後歌以永其聲。舞以動其容。樂器則和聲而飾之。已耳。德性寓於心。而心之所感爲情。感之所應爲氣。情卽德之見端。氣卽樂之所以成象者也。志聲容皆情之發。而詩歌舞皆文之著。故其情深者。則其文明矣。詩歌舞皆氣之應。而樂器從之。則象之成。故其氣盛者。則其化神矣。化神謂感人之速也。惟和順之德積於中者厚。故情深而氣盛。故樂之發於外。而英華者。亦文明而化神誠中。

形外。而豈可以
偽爲之也哉。

右第十二章

言樂必本於德而不可爲僞。所以申前章象德之意也。

樂者心之動也。聲者樂之象也。文采節奏聲之飾也。君子動其本。樂其象。然後治其飾。是故先鼓以警戒。三步以見方。再始以著往。復亂以飭歸。奮疾而不拔。極幽而不隱。獨樂其志。不厭其道。備舉其道。不私其欲。是故情見而義立。樂終而德尊。君子以好善。小人以聽過。故曰。生民之道。樂爲大焉。

兩樂其之樂皆音。洛奏音族拔蒲末。

反見音現。好去聲。心之靜也。寂然而已。無樂之可言也。及動而發於聲。則樂已有其象矣。因其聲而飾之。斯樂作焉。是樂者。心之動也。君子因其心之所動。而樂其德音之發。於是治其飾以樂之。故象之所著。莫非其本之所形。卽前章本之性情之意也。凡作樂之始。先擊鼓以警人。而戒其逸志。蓋亦以動其本也。而舞者之始。必三舉步以擬其所鄉。審慎之意也。然後再擊鼓以始之。而著其進。及將反綴之時。則八音合作。以飭治其歸位。亂樂之卒章。蓋古者必合樂而後終。歌舞皆然也。舉樂舞而言。皆樂象治飾之事也。拔過疾也。聲容之奮也。疾速。而本以德性則不拔。若始以警戒。再以見方。著往飾歸。其不拔者。可見矣。性情之動也。幽微而發。以聲容則不隱。樂其象。治其飾。皆性情之所表見也。本其心之所動。而樂之。是獨樂其志耳。樂之。則不厭其道矣。然心之動也。形見於樂。是樂已備舉其道也。著於樂而爲眾所觀法。則不私。

其欲矣。動其心而發於象。情之見也。德亦著焉。而義立矣。治其飾而著其教。樂之終也。化以神焉。而德尊矣。故君子聽之。則益以感於善。而小人聽之。亦足以改其過。樂之於人不誠大哉。生民之道。樂爲大焉。亦古語而記者引之也。

右第十三章

言德之形見於樂而足以感人。亦以申前章象德之意。

樂也者。施也。禮也者。報也。樂樂其所自生。禮反其所

自始。樂章德。禮報情。反始也。

樂其之樂音洛。○報猶反也。樂由中達外。陽之

施也。禮制外養中。陰之報也。樂其所自生。樂其所得以生者。順而達之也。反其所自始。防其後起之私。以全其本始。逆而溯之也。施故內之德無不報。此言禮樂之用。所謂大略章報。故人之情無不報。此言禮樂之用。

者。天子之車也。龍旂九旒。天子之旌也。青黑緣者。天

子之寶龜也。從之以牛羊之羣。則所以贈諸侯也。緣

聲。青黑緣。蓋襲龜之中。石梁王氏曰。此八句。專言禮與上下文不相承。當是他篇之錯簡。樂也。

者。情之不可變者也。禮也者。理之不可易者也。樂統

同。禮辨異。禮樂之說。管乎人情矣。情之感通為樂。情

理之節文為禮。理制為禮。則不可易。情則相通。其心

同也。故樂統同。物各有理。其分殊也。故禮辨異。以統

同者養心。則情有所循而不乖。以辨異者應物。則情

有所節而不流。是禮樂之說。管乎人情也。此言禮樂

之窮本知變。樂之情也。著誠去僞。禮之經也。禮樂負

天地之情達神明之德降興上下之神而凝是精粗
之體領父子君臣之節去起呂反傾音負。窮盡也。
體也。凝聚也。成也。精道粗器。領統也。本者。人心寂然
不動之本體。而變者。感應之情。誠者。人生所得於天
之實理。而偽者。後起之私。樂由情作而統同。所以盡
其心。而為萬變之主。禮以理制而辨異。所以著其理
而去偽妄之私。是窮本知變。為樂之實。而著誠去偽
為禮之經也。傾。天地之情。禮者。天地之序。樂者。天地
之和也。達。神明之德。樂。率神從天。禮。居鬼從地也。降
興。上下之神。以祭祀言。道。非器無所寓。器。非道無所
主。而禮樂以凝之。使不相離也。父子君臣。情勝則流
分。勝則離。而禮樂以節之。使無所偏也。此合禮樂之
體用。是故大人舉禮樂。則天地將為昭焉。天地所合
言也。

陰陽相得。煦嫗覆育萬物。然後草木茂。區萌達。羽翼
奮。角觝生。蟄蟲昭蘇。羽者嫗伏。毛者孕鬻。胎生者不
殞。而卵生者不殞。則樂之道歸焉耳。反音欣。煦呼句。反音欣。煦呼句。反音欣。煦呼句。
音鉤。觝音格。覆扶又反。鬻音育。殞音瀆。殞呼臭反。○
訢和悅意。煦以氣煖之也。嫗以形煖之也。觝角之無
觝者。昭明。蘇生也。胎敗曰殞。卵敗曰殞。言禮樂之體
用如此。故大人以德居位而制禮作樂。則天地之道
於是昭明焉。又言天地之氣。細縕化醕。而萬物資始
資生。則動植飛走無不各正性命。樂之爲道亦若是
焉耳。此卽所謂流而不息。合同而化。而樂與焉者。大
人卽天道以制禮樂。是以舉禮樂而天地爲昭。此所
以贊化育而參天地也。

右第十四章

前四章言聖人作樂之事。體用備矣。此又言報施之用。迭爲屈伸。而統同辨異。各有定體。要之樂以由體達用。禮以閑邪存誠。則合之一理而已。禮樂體物而無不在。皆天理之本然。故大人舉禮樂而天地爲昭。合時節事之功於是爲至。蓋又合而言之。所以終象德綴淫之意也。

樂者。非謂黃鐘大呂。弦歌干揚也。樂之末節也。故童者舞之。鋪筵席。陳尊俎。列籩豆。以升降爲禮者。禮之末節也。故有司掌之。樂師辨乎聲詩。故北面而弦。宗祝辨乎宗廟之禮。故後尸。商祝辨乎喪禮。故後主人。

是故德成而上。藝成而下。行成而先。事成而後。是故先王有上有下。有先有後。然後可以有制於天下也。行下孟反。揚鉞也。宗祝宗廟之官。商祝卽周禮喪祝也。禮樂凝精粗之體。道器本無二端。而人之自得。有淺深之殊。斯所成有德藝之異。致禮樂以治身心。則有以成其德行。苟習於器數聲容之末。而遺其形上之理。則不過一藝一事之成而已。德藝以得於已言。行事以施之用言也。先王尙德先行。而不遺藝事。故以之治已。則身脩。以之用人。則器使。以之治天下。則風移俗易矣。

右第十五章。前數章言禮樂之化成天下。以道言也。然道不離器。記者又恐人之得粗遺。

精。而謂器數聲容遂足以盡禮樂之道也。故

此章又以道器分別言之。自此以下四章又

皆所以申明此章之意。上章及此章。史記誤次於皆以禮終之下。

樂者聖人之所樂也。之上而吳本則以此數章為皆樂象法章。今按上章合言禮樂而終

以樂之道歸焉耳。其為總上六章收束無疑。此章分言德藝行事。則上數章初無此意。而

此下四章。則皆示人以學禮樂之事。然則此章另提。所以起下四章。又無疑也。

魏文侯問於子夏曰。吾端冕而聽古樂。則唯恐臥。聽

鄭衛之音。則不知倦。敢問古樂之如彼何也。新樂之

如此何也

魏國名。文侯魏君名斯。古樂淡以和。故子無以悅耳。新聲妖以豔。故聽之忘倦。

子

夏對曰。今夫古樂進旅退旅。和正以廣。弦匏笙簧。會

守拊鼓。始奏以文。復亂以武。治亂以相。訊疾以雅。君

子於是語。於是道古。脩身及家。平均天下。此古樂之

發也

夫音扶。相去聲。旅。整齊也。和正以廣。聲容之和平。端正廣大也。拊。縫韋爲鼓。中實以糠。兩手

拍之

以節歌者。堂上弦歌。以拊節之。堂下笙奏。以鼓

節之

會守拊鼓。言齊一而有節也。文。木鐸。武。金鐸。夾

持以節

舞者。舞之始作。以木鐸進之。及其終而反綴。

則以金

鐸還之。相。卽拊也。於樂之終。以相治之。使亂

而不陵

節也。雅。亦樂器。狀如漆。簫而弇口。長五尺二

寸。以羊

韋輓之。春地作聲。於舞之疾。以雅節之。使疾

而不失度也。古樂之和而有節如此。故樂終可以言論樂之倫理。可以因古樂而言古人之德業。以之治已則身脩。以之治人則平均。天下是古樂之益也。發猶感也。今夫新樂進俯退俯。

姦聲以濫。溺而不止。及優侏儻。雜子女。不知父子。

樂終不可以語。不可以道古。此新樂之發也。

夫音扶

優力刀反。俯戲狎之狀。姦律之聲。條濫而迷成。言聲之流而無節也。優俳也。侏儻短人。獼猴屬俳。優跳舞之狀似之。無男女尊卑之辨。言容之狎慢無禮也。此導欲增悲而已。何倫理之可語。而况於道古乎。是今樂之感也。今君之所問者樂也。所好者音也。夫樂者與

音相近而不同。

好去聲。夫音扶。樂以理言。好樂則成而上。可以語。可以道古。而自脩以

多辨有... 通角... 角一

三

之。好音。則成而下者。知音而不知樂。故所好在音也。古樂以章德。而音淡以和。其悅心在德。新樂無德之可言。而音妖以豔。其悅耳在音。故所好在音。則必不好古樂而好今樂也。文侯曰。敢問何如。子夏對曰。夫古者天地順而四時當。民有德而五穀昌。疾疢不作而無妖祥。此之謂大當。然後聖人作爲父子君臣以爲紀綱。紀綱既立。天下大定。然後正六律。和五聲。弦歌詩頌。此之謂德音。德音之謂樂。夫音扶疾丑及反。四時當不失其序也。昌盛也。祥如毫有祥之祥。謂災異也。大當言氣化均平也。民有養而後興教。以因民固有之德而品節之。紀所以附綱而分目。而綱則法制之大凡也。禮

達分定。政和而後興樂。則聲音皆德之所發。故謂之德音。德音之謂樂。則新樂不可謂樂可知矣。樂由天作。禮以地制。先樂而後禮。百化生成之序也。禮定而後樂興。制作之事。盡人達天之道也。詩云。莫其德音。其德克明。克明克類。克長克君。王此大邦。克順克俾。俾於文王。其德靡悔。既受帝祉。施於孫子。此之謂也。莫音麥。長之丈反。王去聲。祉音恥。施音異。○俾當依詩作比。朱子曰。莫莫然清靜也。克明能察是非也。克類能分善惡也。克長教誨不倦也。克君慶賞刑威也。順慈和徧服也。比上下相親也。言王季之德能此六者。至於文王。而其德尤無遺憾。是以既受上帝之福。而延及於子孫也。今君之所好者。其溺音乎。文侯曰。敢問

溺音何從出也。子夏對曰：鄭音好濫，淫志。宋音燕女，溺志。衛音趨數，煩志。齊音敖辟，喬志。此四者皆淫於色而害於德，是以祭祀弗用也。好去聲，趨音促，數音速，敖去聲，辟音匹，亦反。喬音驕。○溺者沒而不反之意，對德音而言也。自此而溢於彼曰濫，淫旁溢而無節也。安此而忘其他曰燕。趨數，狂暴不常也。煩者，志亂而中無主也。敖辟，矜肆而務外也。喬者，外夸而中無實也。詩以言志，志之所嚮，而音應之。淫，溺煩，喬，志之失其正也。好濫，燕女，趨數，敖辟，音之入於邪也。日祭祀弗用，則非所當好，可見矣。今按詩無宋風，此所云宋音，或亦師延靡靡之遺與。鄭音獨言浮志者，朱子曰：鄭詩之淫甚於衛。夫子論爲邦，獨以鄭詩云：肅雝和鳴，先祖是聽。夫肅爲戒，舉重而言也。詩云：肅雝和鳴，先祖是聽。夫肅

肅敬也。離離和也。夫敬以和。何事不行。夫音扶。○詩

篇因上文祭祀弗用而引此。蓋音之敬和必本於志。志敬且和。則無淫溺煩僇之失矣。所以端文侯之本也。敬和則鬼神且聽之。而况他事何所不行哉。爲人君者謹其所好惡而已

矣。君好之則臣爲之。上行之則民從之。詩云。誘民孔

易。此之謂也。好惡易皆去聲。○此乃微言溺音之不

惡可不謹哉。詩大雅板。誘詩作隔。孔甚也。然後聖人作爲鞀鼓。柷楊。壎

箎。此六者德音之音也。然後鐘磬竽瑟以和之。干戚

旄狄以舞之。此所以祭先王之廟也。所以獻酬酢

也。所以官序貴賤各得其宜也。所以示後世有尊卑

長幼之序也。

控音空。楊丘入反。酺音孕。長之丈反。也。六者皆質樸之音。

故子夏以爲德音之音。亦以燭文侯之所好而言之也。狄翟同。醕尸既卒食。而又酌酒獻尸。所以演安其氣也。以敬和格祖。則是聽矣。以敬和牖民。則孔易矣。本敬和以發之聲容。然後爲德音之音。所以治神人。和上下而教後世也。自鄭音以下至此。皆所以抑文侯之好。而進之以古樂之正也。但此節上下疑猶有闕文。不鐘聲鏗鏗以立號。號以立橫。橫以立武。君子可考矣。鐘聲鏗鏗以立號。號以立橫。橫以立武。君子聽鐘聲。則思武臣也。號號令。橫者充實嚴詔之意。令嚴氣壯。立武之道也。此以下又卽石聲磬。磬以立辨。聽音言之以廣文侯之志意也。

石聲磬。磬以立辨。

辨以致死。君子聽磬聲，則思死封疆之臣。

磬磬二字上聲。磬

堅確聲。辨之真則守之確而不變矣。

絲聲哀，哀以立廉。廉以立志。君子

聽琴瑟之聲，則思志義之臣。

廉，謹飭也。收斂之意。人必有所惻，則其志常肅

也。然竹聲濫濫以立會。會以聚眾。君子聽竽笙簫管之

聲，則思畜聚之臣。

畜，敕六反。濫，汎廣之。意劉氏曰：廣及於眾，眾必歸之，故立會聚眾。

而君子聽竹聲，則以

鼓鼙之聲，謹以立動。動以進

眾。君子聽鼓鼙之聲，則思將帥之臣。

謹音歡。將去聲。謹，諠譁也。前

言武臣。概言之也。此言將帥之臣。專以主將言也。

君子之聽音，非聽其鏗鏘

樂經律呂通解

卷一

樂記

三

而已也。彼亦有所合之也。

鏘倉庚反。○總結上五節。

平均天下。非徒聽其音也。至於聽音。則已淺矣。然君子之聽音。且必有以合之。而非徒取其悅耳。今文侯好音。其亦有所合之乎。然使聽音而有合於心。則亦可以無好濫溺音之失矣。子夏言此。所以深抑文侯而引之於正也。○文侯之問。與齊宣王之好樂同。然孟子之答宣王。則曰。今之樂。猶古之樂。子夏之答文侯。則深言古樂。今樂之不同。何也。曰。宣王自慚其好之不正。故孟子曲而引之。異與之言也。文侯問古樂。新樂之不同。故子夏分別言之。法語之言也。然能推其所樂。以與民同。則必能自克。而幾於德音矣。能謹其好惡。以一於敬和。則必能修身及家。平均天下矣。其致一也。要以樂言之。則此章之論。為正云。

右第十六章

此章論古樂新樂之異。而好音不可以言樂。鏘鏘不可以言音。

蓋上章上下先後之意也。○此章及下章史記皆誤次先王之道禮樂可謂盛矣之下

賓牟賈侍坐於孔子。孔子與之言及樂曰夫武之備

戒之已久何也。對曰病不得其眾也。扶○賓牟賈姓賈

名武大武之樂也。凡舞皆先鼓以警戒而武獨備戒已久賈言武王伐紂恐未得眾心故備戒之久而後伐。商今舞之備戒已久正所以象此也。夫武王即位十三年而後伐商。詩曰遵養時晦則武王之待久而後動可見。所謂病不得眾者非真人心有未服也。但武王兢兢之心則唯恐人心天命之未必在我苟受稍有悛心則天命人心之去商者未必不可復輓而武王亦終守臣節矣。惟受罔有悛心以至人心暱就於周不期而會孟津者八百國焉。然後乃行征誅之事則其樂之備戒已久也宜哉。此賈之對爲有得於

大武之咏歎之淫液之何也對曰恐不逮事也此及
意矣。節。皆孔子問而賈答也。咏歎歌聲之長而淫液又咏
歎之長也。賈言武王恐諸侯之後至者不逮戰事故
長歌以致其發揚蹈厲之已蚤何也對曰及時事也
望慕之情也。發揚蹈厲手發揚而足蹈厲也。凡武舞宜發揚蹈厲
而武則發揚蹈厲之已蚤。賈言伐紂之時不可失故
已蚤者。象及時而舉事也。泰誓亦曰時哉不可失蓋
發揚蹈厲當在再成滅商時再成而遂揚厲所謂已
蚤也。武坐致右憲左何也對曰非武坐也。憲音軒。坐
膝至地。憲左左足軒仰也。賈言武舞不當坐其坐非
武樂之本然也。坐致右軒左蓋在五成而分周公左
召公聲淫及商何也對曰非武音也。子曰若非武音
右時。

則何音也。對曰：有司失其傳也。若非有司失其傳，則武王之志荒矣。子曰：唯。上之聞諸萇弘，亦若吾子之

言是也。

唯上聲。淫卽上文所謂淫液。商謂商聲。屬金主殺之聲也。蓋當時歌武詩者咏歎淫液

多及商聲。賈言有司失傳，非武音之本然也。荒如宮亂則荒之荒。凡歌必五聲皆備。商聲非可獨無。此之聲淫及商，則是歌之餘韻多流入於商。故賈言苟非有司失傳，則是武王有嗜殺之志，而君道荒矣。唯應解。萇弘周大夫。孔子嘗從而訪樂焉，是也。然其說也。既唯之，又是之。蓋深與之也。賓牟賈起

免席而請曰：夫武之備戒之已久，則既聞命矣，敢問遲之遲而又久，何也？子曰：居吾語女。夫樂者，象成者

也總干而山立武王之事也發揚蹈厲太公之志也

武亂皆坐周召之治也夫音扶上遲字去聲女音汝

出而立於初綴又久待而不進是待之遲而又久也

總持也山立不動貌立於初綴時持干而不動即所

謂遲之者也所以象武王之從容而不迫也詩云惟

師尙父時惟鷹揚掠彼武王肆伐大商蓋伐商之志

決於太公故發揚蹈厲之已蚤者太公之志也亂樂

之將終也周召之治以文止武其治成於周召也總

干二句正答遲久之問發揚四句因賈前且夫武始

所對有未盡是者故并言之以止其失也

而北出再成而滅商三成而南四成而南國是疆五

成而分周公左召公右六成復綴以崇天子

夫音扶成樂

之一終也。北出而面北而出。立於初綴也。再成。進第二綴。以象滅商也。發揚蹈厲。正在此時。三成。至北綴。反而南面。四成。復至第二綴。以象疆理南國。五成。而舞者分列左右。以象周召分陝而治。坐致右憲。左正在此時。六成。復於初綴。象天下之歸周而崇天子也。武王爲天子。非在疆理南國之後。復綴亦非象歸鎬。蓋至是而功成治定。天下翕然。惟一人之聲靈是畏耳。○樂之成數。各有不同。若周禮於韶言九變。雲門言六變。咸池言八變。皆其成數之異也。大武六成。其樂章見周頌者。春秋傳以武爲大武之首章。賁爲大武之三章。桓爲大武之六章。餘篇則無可考。詩記則以酌般二篇爲皆大武之樂。是凡得五章。竊以五詩及此章之言。協之則周頌武篇。該武功終始言志。是始而北出。時所歌也。酌篇始言遵養時晦。繼以純熙大介。則是承久立於綴之後。而繼以發揚蹈厲。於再成滅商協矣。是酌蓋大武之次章也。賁篇言大封功臣。

此章下文言未及下車而封黃帝之後云云論語亦云周有大賚是賚卽三成而南時所歌也。般篇有墮山喬嶽允由翕河敷天之下哀時之對之語與南國是疆之意頗協疑般卽大武之四章也五成之詩獨無可考。桓言綏萬邦屢豐年正功成治定之語其復綴以崇天子猶可想見矣有志於古樂者或亦可以心會。夾振之而駟伐盛威於中國也。夾振之二人夾與四同。四伐以威揚四次擊伐。蓋自初綴進二綴以象伐商也。或曰四伐四方擊伐如滅國五十之事故曰盛威於分夾而進事蚤濟也。分去聲。分部分中國也。亦通。分夾而進事蚤濟也。分夾而進振鐸者夾舞者之部分而進也。事蚤濟言功之速。久立於成。所謂會朝清明者。此申言再成滅商時事。久立於綴以待諸侯之至也。申言始而北出時事待諸侯之集而後動。正所謂武王之事者。

此所以遲之。且女獨未聞牧野之語乎。武王克殷，反

商，未及下車，而封黃帝之後於蓊，封帝堯之後於禘

封帝舜之後於陳，下車而封夏后氏之後於杞，投殷

之後於宋，封王子比干之墓，釋箕子之囚，使之行商

容而復其位，庶民弛政，庶士倍祿。

女音汝。上文皆因武樂而考，武王

之事。此下又卽武王之事以證大武之樂也。反商依武成則下闕一政字，依舊說反當作及。謂至於商都也。其曰未及下車而封，云者先後之辭。非必卽車上封之也。薊，今順天薊州。祝，在今山東萊蕪地。武王初封紂子武庚於殷，後武庚畔誅，成王乃封微子於宋。此云投殷之後於宋，以約略言之耳。行商

樂經律呂通解

卷一

樂言

三

容而復其位。使人行訪商容而復其官也。庶人弛政寬紂之虐政也。濟河而西。馬散之

華山之陽而弗復乘。牛散之桃林之野而弗復服。車

甲衅而藏之府庫而弗復用。倒載干戈。包之以虎皮。

將帥之士。使爲諸侯。名之曰建橐。然後天下知武王

之不復用兵也。

華去聲。衅許靳反。將去聲。建上聲。橐皆高名之。曰建橐。句當在將帥之士

之上。○衅以血塗之也。建鎖閉也。橐韜也。

散軍而郊射。左射貍首。右射騶

虞。而貫革之射息也。裨冕搢笏。而虎賁之士說劒也。

祀乎明堂而民知孝。朝覲然後諸侯知所以臣。耕籍

然後諸侯知所以敬五者天下之大教也

左射右射之射食亦

反說音脫朝音潮。左、左學。右、右學。狸首詩今逸。騶虞召南篇名。歌此二詩以節射也。軍射尚貫革至此而。易以禮射則不尚貫革矣。周禮天子射以騶虞爲節。諸侯以狸首爲節。與此不合。蓋此乃武王初年事而。周禮則後此周公所定不盡同也。祀明堂宗祀文王以配上帝也。天子藉田千畝。諸侯百畝。皆躬耕而庶人助以終兩。食三老五更於太學。天子袒而割牲敬謂敬於祭祀。執爵而酌。冕而總干。所以教諸侯之弟也。

執醬而饋。執爵而酌。冕而總干。所以教諸侯之弟也。

食音嗣更當作叟弟去聲。周承播棄黎老之後而特重養老之禮也。說詳文王世子篇。若此則

周道四達禮樂交通則夫武之遲久不亦宜乎。

夫音扶。

由武王之事以觀。則周之文治達於四國。而禮隆樂
備矣。是可見武王非務武也。惟是諸侯暱就周室。以
不得已而為征誅之舉。及夫會朝清明之後。則汲汲
於偃武脩文。而不復用兵矣。征誅非武王之得已。則
其遲之遲。而又久也。不亦宜哉。自牧野以下。皆申明
總干而山立。武王之事也。二句。以正答遲久之問也。
右第十七章
引孔子之論武樂。正所謂可以
語可以道古者。亦前章上下先
後之意也。

君子曰。禮樂不可斯須去身。丹崖陳氏曰。斯須。一離
一合之頃也。此句一章
之冠。致樂以治心。則易直子諒之心。油然而生矣。易直子
諒之心。生則樂。樂則安。安則久。久則天。天則神。天則

不言而信。神則不怒而威。致樂以治心者也。易音異

樂之樂音洛。致推致也。實卽之而窮其理。非徒習聲容揖遜之末已也。心統性情。樂以養人之性情。故致樂所以治心也。易平易直不偏也。子諒與慈良同。謂慈祥豈惻也。油然而生貌。生自然而生也。樂則心與理融。安則身與道一。所謂義精仁熟和順於道德者也。久久而不息也。天者具於身而中和之體備也。神者顯於事而時措之妙行也。不言而人信之。感於其德也。不怒而人畏之。服於其神也。致樂治心之效如此。再言致樂以治心者也。言致樂所以治心。而非徒聲容之末已也。致禮以治躬。則莊敬。莊敬則嚴威。禮所以固人肌膚之會。筋骸之束。故致禮所以治躬。莊者外之齊敬。則中之一嚴。鎮密也。威宜著也。致禮治躬之效如此。然樂養其中而未嘗不達於外。禮制其外亦卽以養其中。其

致一也。心中斯須不和不樂。而鄙詐之心入之矣。外貌

斯須不莊不敬。而易慢之心入之矣。

樂音洛。易音異。和樂。卽易直。

子諒也。鄙詐易慢。非心之本然。惟心之本體稍有間斷。則鄙詐易慢之心。忽然而至。是若自外入焉。此所謂人心者。形氣之私也。禮樂之不可斯須去身者。如此。故樂也者。動於內者也。

禮也者。動於外者也。樂極和。禮極順。內和而外順。則

民瞻其顏色。而弗與爭也。望其容貌。而民不生易慢

焉。故德輝動於內。而民莫不承聽。理發諸外。而民莫

不承順。故曰致禮樂之道。舉而措之天下。無難矣。

易音

異。樂者性情之本然。故動於內而至和。禮者物理之當然。故動於外而至順。致樂治心。則內和。致禮治躬。則外順。內和見於顏色。不言而信。不怒而威。弗與爭矣。外順動於容貌。嚴威則民不敢易慢矣。易直子諒之氣。晬然見面。所謂德輝也。承聽者從其德也。動容周還中禮。理發諸外也。承順者順其行也。德成於君子之身。而觀感之效如此。然則一治天下之道。又安有外於禮樂哉。

右第十八章

言君子致禮樂以自脩。其工夫效驗如此。即前章德成而上行。

成而先以有制於天下之意也。篇內之言禮樂。凡三本於君子之身。至此章而語益親切矣。然則古樂雖不可復聞。而致樂治心之方。其亦可深思而自得也與。首章言樂以和聲。禮以道志。而此章言樂以治心。禮以治躬者。聲和則可以養心。而禮以範躬。斯志有定。

守也。禮樂本非有內外之殊。故下章又合而
言之。此章及下二章。吳本以爲樂化篇而
史記以次於樂爲大焉
之下魏文侯章之前。

樂也者。動於內者也。禮也者。動於外者也。故禮主其
減。樂主其盈。禮減而進。以進爲文。樂盈而反。以反爲
文。禮減而不進。則銷。樂盈而不反。則放。故禮有報。而
樂有反。禮得其報。則樂。樂得其反。則安。禮之報。樂之
反。其義一也。則樂之樂音洛。蒙上章而言。禮制外
以養中。其事收斂檢束。故減。樂由中而
達外。其情發揚暢遂。故盈。禮樂之體段然也。禮主於
減。其體嚴矣。然必本從容不迫者。以進行之。進則禮

皆出於自然而可觀。是以進爲文也。樂主於盈。其情和矣。然必自優游平中者。以反抑之。反則情皆不失。其節而可法。是以反爲文也。禮減而不進。則情皆不失。以強人。而情意沮索。樂盈而不反。則聲色祇以導欲。而禮度縱弛。故禮非一於減也。禮本於自然之理。有以濟其減者矣。樂非一於盈也。樂自有當然之節。有以反其盈者矣。禮有報。樂有反。要存乎人之自得焉。由進行者而得其自然之趣。則於禮無勉強之勞。而有循理之樂。自反抑者而合乎當然之則。則其樂皆天理之安。而無人欲之危。蓋禮之報。卽樂。樂之反。卽禮。分之則有二體。其本則祇一源。猶陰陽之一氣。故曰其義一也。夫禮樂皆本於天理。初非有過不及之偏。而或放或銷。則行禮樂者之病。非禮樂之病也。然則先王之作樂。豈所以縱欲而制禮。豈所以強人哉。程子曰。禮樂只在進反之間。便得性情之正。

樂經律呂通解

卷一

樂記

聖

右第十九章

上章言致樂治心致禮治躬是禮樂有內外之殊矣然以禮治

躬要必其以和樂之意將之致樂治心要必其以檢束之意持之及夫禮得其報則義理莫非性情樂得其反則自然和順於道德是內外本非二致也篇中第三章始言禮樂皆得謂之有德以後遂禮樂並言至第七章而一合言禮樂之本於天無二道也第九章又以禮樂並言至第十四章而一合言聖人之制作無二事也十五章復禮樂並言至此章而又合之言君子之以禮樂自

脩無二致也。有報有反。則禮樂皆得矣。學者
知禮樂之爲二。而又知禮樂之未始有二。則
其於禮樂也亦庶幾矣。

夫樂者。樂也。人情之所不能免也。樂必發於聲音。形
於動靜。人之道也。聲音動靜。性術之變盡於此矣。夫音
扶樂也。樂必之樂音洛。性術性情心術也。變動也。故人不耐無樂。樂不耐無
形。形而不爲道。不能無亂。先王恥其亂。故制雅頌之
聲。以道之。使其聲足樂而不流。使其文足論而不息。

使其曲直繁瘠廉肉節奏足以感動人之善心而已

矣。不使放心邪氣得接焉。是先王立樂之方也。

耐音能無

樂樂而足樂之樂皆音洛爲道皆去聲肉而救反奏音族。不爲道言無以引之於正也。樂而不反則亂矣。聲和而有節故不流。文雅頌之文論講其義也。不息不窮也。繁繁聲瘠猶簡也。廉峭厲肉圓好也。方道也。言先王因人情而作樂所以感人於善而不使之流也。是故樂在宗廟之中君臣上下同聽之則莫不和敬。在族黨鄉里之中長幼同聽之則莫不和順。在閭門之內父子兄弟同聽之則莫不和親。故樂者審一以定和。比物以飾節。節奏

合以成文。所以合和父子君臣。附親萬民也。是先王

立樂之方也。

長上聲。比必二反。奏音族。鄉里主順。閭門主親。而皆要於和。先王

立樂以道和。有以感人之善心。而消其放心邪氣。故用之宗廟鄉里閭門。其效如此。審一以定和。審其風雅頌之體。各從一體。以定其音之清濁高下。以成方也。比物以飾節。比之琴瑟干羽。以飾其音節也。審一定和。則和而有節。比物飾節。則節而得其和。二者合而樂成。是以聲足樂而不淫。文足論而不息。而曲直繁簡方圓節奏。足以感人之善心。而聽之者無不和也。上言先王立樂之方。言作樂之用也。此言先王立樂之體也。故聽其雅頌之聲。志意得廣焉。執其干戚。習其俯仰詘伸。容貌得莊焉。行其綴兆。要其節奏。

樂經律呂通解

卷一 樂記

豈

行列得正焉。進退得齊焉。故樂者。天地之命。中和之

紀。人情之所不能免也。

行列之行音杭。審一以定和。比物以飾節。故樂之聲容

足以廣志意。莊容貌。

正行列。齊進退。此所以道人於

正。而可以合和父子君臣。附親萬民也。天地之命。言

天所賦於民者。中者未發之性。和者中節之情。中和

之紀。言性情之範圍也。不能免。猶言不可闕。言有樂

以道之。則和。無

以道之。則流也。夫樂者。先王之所以飾喜也。軍旅鈇

鉞者。先王之所以飾怒也。故先王之喜怒。皆得其儕

焉。喜則天下和之。怒則暴亂者畏之。先王之道。禮樂

可謂盛矣。

夫音扶儕音柴。儕類也。所以飾喜。猶言聖人之所以樂喜。足以和天下。怒足以威

天下。所謂得其儕也。言樂而禮可諒。言刑而政可諒矣。

右第二十章

此章又言人情不能無樂。而無以導之。則不能不亂。故先王作

樂以和之。所以終首章慎感之意也。感動人之善心者。樂教之用也。審一定和。比物飾節者。作樂之體也。曰天地之命。中和之紀。即所謂天地之序。天地之和也。曰先王之所以飾喜。則又本君子之身言之。喜則天下和之。怒則暴亂畏之。則又綜禮樂政刑而言其效。以終首章末節之意也。按此章之言。平易而該括。實以總結全篇。而正與首章相爲首尾。語意甚明。而舊說乃與上兩章聯合爲一章。以爲樂化篇。且篇章錯亂不精甚矣。

子贛見師乙而問焉。曰。賜聞聲歌各有宜也。如賜者

宜何歌也。師乙曰：乙，賤工也。何足以問所宜？請誦其所聞。而吾子自執焉。寬而靜，柔而正者，宜歌頌。廣大而靜，疏達而信者，宜歌大雅。恭儉而好禮者，宜歌小雅。正直而靜，廉而謙者，宜歌風。肆直而慈愛者，宜歌商。溫良而能斷者，宜歌齊。夫歌者，直己而陳德也。動己而天地應焉，四時和焉，星辰理焉，萬物育焉。同好

去聲。斷，丁亂反。夫，音扶。○師乙，樂師名。乙，詩歌以理性情，故因其性情之所近，與其所偏，而聲歌各有所宜。執猶擇也。寬，靜柔正者，或失則疎。頌，深遠而鎮栗，所以輔其正。靜而濟其寬，柔也。廣大，疏達而靜信者。

或失則簡。大雅和正而篤。故所以輔其靜信。而濟其
廣大疏達也。恭儉而好禮者。或失則拘。小雅恭和而
寬厚。所以輔其好禮。而濟其恭儉也。正直而靜廉而
謙者。或失則矜。風婉正而溫厚。所以輔其靜謙。而濟
其廉直也。肆亦簡略之意。肆直而慈愛者。失則寡斷。
故宜歌商。溫良而能斷者。失則徑行。故宜歌齊。舜命
夔曰。直而溫。寬而栗。剛而無虐。簡而無傲。意與此同。
直直之也。正己之情也。陳德敷陳其德也。蓋言足以
養己之性情。而輔翼吾德也。天地之氣。卽吾之氣。天
地之心。卽吾之心。故中和之氣動於己。而天地應之。
自然之效也。故商者。五帝之遺聲也。商人識之。故謂之商。
齊者。三代之遺聲也。齊人識之。故謂之齊。明乎商之
音者。臨事而屢斷。明乎齊之音者。見利而讓。臨事而

屢斷勇也。見利而讓，義也。有勇有義，非歌孰能保此。

識音志。又如字斷丁亂反。此申上文宜歌商歌齊之說。孔氏曰：宋商之後，此商人謂宋人。雲莊陳氏曰：保安也。言安於勇，故歌者上如抗，下如隊，曲如折，止安於義而不移也。

如蘂木，倨中矩，句中鉤，累累乎端如貫珠。故歌之爲

言也，長言之也，說之，故言之。言之不足，故長言之。長

言之不足，故嗟歎之。嗟歎之不足，故不知手之舞之

足之蹈之也。

隊音墜，中去聲。說音悅。如抗以漸而高也。如隊以漸而平也。曲歌之轉換處

也。如折，便易而不帖。慤也。如蘂木，訕然之意。倨，方曲句圓曲也。端，兩聲相續前後之端也。累累如貫珠相

續不絕也。說之感物而動也。因上文而言歌之法。亦優柔平中之一端。而平氣體。養性情之一事也。說之故言之。故聲歌各有所宜。至於手舞足蹈而不自知。則性情與之化矣。故歌者所以直已而陳德也。子贛問樂。此古人題於策後以識別篇章者。今直以爲衍文可也。

右第二十一章

篇中統言樂。而此章專言聲。詩蓋因上章制雅頌之聲。以

道之之言而引此也。其實聲詩卽樂之體。詩言志。歌永言。聲依永。律和聲。樂之所以爲樂也。故此章畢言詩歌之宜。亦以補篇中之所未詳。而其言愈平實矣。今之樂經雖亡。而詩則尙存。好古者苟有直已陳德之志。則由此章而進求之詩。而諷咏以昌之。涵濡以體之。以平德性而化氣質。其去樂也。應不遠去。

朱子曰。看樂記。大段形容得樂之氣象。當時許多名物度數。人人曉得。不須說出。故止說樂之理如此。其妙。今許多度數都沒了。只有許多樂之意思。是好。只是沒頓放處。思去聲又曰。今禮樂之書皆亡。學者但言其義。至於器數。則不復曉。蓋失其本矣。有理義而後有器數。理義本而器數末也。然理義卽器數而寓。無器數。則義理亦虛空而無可實據矣。故就後學者而言。則器數又義理之本。猶小學爲大學之基也。禮樂器數之亡。朱子不勝三歎。而今人動輒高談。

樂理。乃輕茂器數爲不足考。嗚呼。此禮樂之所以終亡也夫。

樂記或問

或問樂記一篇之旨。曰樂記大旨。不外慎所感三字之意。蓋人心體用不外感寂二端。方其寂也。一理涵於太虛。無善惡邪正之可言。及物之所感。順逆互投。而心之感於物也。亦因以百慮殊途。而不可勝紀。感應之交。有相得不相得。而七情以分。應物之情。有理義形氣之分。而邪正是非異矣。然感寂非二端。體用不相離。由乎中而應乎外。制於外則所以養其中。則

感之不可不慎也。人性不能無動於感。此由中應外之理也。慎所感以養於正焉。則制外養中之道也。曰慎所感之必於樂何也。曰人心之用也。不外視聽言動矣。目之於色也。耳之於聲也。口之咏歌也。身之舞蹈也。皆天性也。然天理之心微而難見。而聲色之感動則易流。得其天理之正。則視色聽聲咏歌舞蹈。何莫非天理之存。一動於形氣之私而不知自反焉。則聲色之流。乃或至誣上行私而不可止。情之發於聲

色者既有邪正之殊。而聲色之感人也。又相與屈伸往來於無窮。淡則欲心平。和則躁心釋。以正感人。而人胥化於正也。妖淫以導欲。愁怨以增悲。以邪感人。而人亦胥化於邪矣。先王知聲色之迭感爲無窮也。於是定爲淡和中正之聲容。以養人之耳目。而感其心。使咏歌舞蹈之。以與之俱化。而妖淫愁怨之音。則放之使不得接焉。是先王慎感之道也。曰然則篇中又以禮並言何也。曰禮樂政刑。其致一也。樂之節卽

禮。禮之和卽樂。禮不和不可爲禮。樂不節不可謂樂。篇中所以每合言之也。然則其分何也。曰以其和言之。謂之樂。以其節言之。謂之禮。如子盡其爲子。父盡其爲父。此禮之節也。子則孝其父矣。父則慈其子矣。是樂之和也。曰父慈子孝。何當於聲色歌舞之外。曰人非貌言視聽。何所爲物我之交。聲色歌舞之外。又何所爲慈孝哉。故下氣柔聲。所以樂親之耳也。愉色婉容。所以樂親之目也。動於已之心。志貌言感乎

親之耳目心思。樂之所爲統同也。何莫在是。曰。若是則自盡其別異。乃有以統同。禮先而樂後矣。而篇中又每言樂從天。禮從地。樂著始。禮居成。何也。曰。先樂後禮。天之道也。先禮後樂。人之道也。維天之命。於穆不已。而乾道變化。各正性命矣。父子兄弟。一本而分。是。以其情之摯也。要惟各盡其分焉。而後情有以相洽。則人道之當然也。自同而異。謂之性。自異而同。謂之教。和則序矣。序則和矣。曰。然則禮樂皆性情之德。

耳。而作樂必本於律呂何也。曰。是天地之太和之所自然而著也。氣化之於物也。雜然流形。而物物之相值也。要必有相得而合者存。律呂之於聲也亦然。人之爲聲和順而中正。則其應乎律也亦必舂容而順序。其或憤疾愁怨淫泆流蕩。則其於律也亦必陵節而無序。且姦乎本宮而濫及他律矣。是以聲之合律也。此人之聲與天地之氣自然而相應者。無待於強也。先王審律以定和。則定爲淡和中正之音。以和民。

聲以養於正而使之毋卽於淫也。曰聲則然矣。而色之於律也何居。曰亦莫非此理也。五色分布於四時。律呂還應十二月。其錯綜雖不同。而相得有合之理。則一致也。○問樂經二十三篇。今存此十一篇。其餘十二篇者。先儒汰之。與抑卽於遺亡與。曰漢晉六朝之間。古書之復遺失者甚多。不獨樂經也。而樂經則尤其易至於遺失。今觀樂經所遺篇名。曰奏樂者。是蓋古琴瑟笙磬節奏之譜也。曰樂器。則琴瑟鐘磬凡

器之制度也。曰樂作。則教人作樂之法也。曰說律。則十二律相生相用之法。規徑長短之準也。曰招本。招頌。蓋韶樂之遺。韶招古字通用是其篇蓋多有譜無文。如魯鼓薛鼓之類。卽其有文字處。亦瑣碎不可讀。故儒者不能傳。樂教之亡。不惟秦火之咎矣。其意始樂穆樂道樂義諸篇。則未敢懸揣其義。季扎篇蓋卽左傳所載觀樂之語。竇公篇亦無可考。要之有遺忘。非簡汰也。當日成周制作。樂備六代。自有全書。漢初制氏劉

氏及河間所得。已不過千伯之什一。今又并其什一而忘之。亦可惜矣。然遺書不多。則二十三篇之目。殆漢儒分章名。題且有失本意者。未必所遺之舊也。孔氏謂此取十一篇合爲一篇。吳氏又謂此只刪取要略。而非十一篇全文。此固無從的考。但司馬遷作樂書。彼在武帝時。采取已不過如此。今玩本篇。則前後一氣。中間有分有合。有提有束。有伏有應。脈絡通貫。義理淵微。乃不此之求。而必爲斷截區分。前後錯寘。

自某至某爲某篇。謂自首至王道備矣。爲樂本篇。一也。爲樂論篇。二。自王者功成作樂。至故聖人曰。禮樂云。爲樂禮篇。三。自昔者舜作五弦之琴。至先王著其教焉。爲樂施篇。四。自夫人有血氣心知之性。至是以君子賤之也。爲樂言篇。五。自姦聲感人。至有制於天下也。爲樂象法篇。六。魏文篇。八。賓牟賈篇。九。自樂者動於內。至可謂盛矣。爲樂化篇。十。師乙篇。十一。或分人生而靜。以下爲樂情篇。七。正義則樂本第一。樂論第二。樂施第三。樂言第四。樂禮第五。樂情第六。樂化第七。樂象法第八。賓牟賈第九。師乙第十。及按其所命篇名。則又有未甚親切者。不亦泥古之過乎。蓋劉向所得之二十三篇。誠未知與此合否。而此記則自

成一篇。無勞附會。就本記玩之。意味已無窮。所恨器
數之亡。不必憾此篇之少也。故正義所分。及舛廬所
定。皆不取云。○問此篇立言之節次。可得而詳言之
與。曰。首章言樂之本。由人心之感於物。而先王作樂
則所以慎所感而同民心。所以總起一篇之意。次章
言上之所感者有乖和。而民之所應有安樂怨怒哀
思之異。故審樂可以知政。而人君不可不慎所感也。
第三章言惟君子能審音知樂。故反躬自脩以立禮。

樂之本。然後制爲淡和之樂。以感人。卽首章同民心
出治道之意也。第四章復言性情之德。寂然不動。感
而遂通。惟所感之不慎。則其流將至於窮。人欲滅天
理。故先王制禮樂。人爲之節。則好惡平。而人道正。此
又卽首章之旨。而詳言之也。第五章。則承第四章而
言先王制作成功所合。與天地一。第六章。又承第四
章而言先王制作效法所本。原於天地。第七章。又承
五章第六章之意。而深贊之。見禮樂非有兩事。以通結

上六章之意自首章至此爲一段。皆言禮樂之本原。所以明先王制作之由也。第八章言聖王作樂。本其所自樂者而廣之天下。因舉六代之樂。以見樂之所著。卽德之所存。蓋亦卽首章愼感之意。而將以本之君身言之。又以起下六章也。第九章言先王以禮樂爲教。所以法天出治而使民象德。第十章承上章而言先王稽度數。制禮義。以盡制作之詳。所以感人深。十一章承前章而言先王反情和志。比類成行。以立

制作之本。所以移風易俗。易。十二章言樂必本於德。不可爲僞。十三章言德之形見於樂。足以化民。十四章。又合禮樂之體用。而推言其化成之功。贊助天地。以通結上六章之意。自第八章至此爲一段。皆言禮樂法度之詳。本身之德。所以詳先王制作之實也。十五章言禮樂有本末精粗之體。而其成於人也有德藝行事之殊。蓋將以學者之事言之。又以起下四章之意也。十六章子夏論古樂。十七章孔子論大武。皆

審於器數聲容之中。而自得於器數聲容之表。所以爲賢聖之於樂。而非童子有司宗祝瞽矇所能與者。十八章言君子致禮樂以治身心。則德行之所以成。而由本身加民。又盛治之所從出也。十九章又合禮樂之體用而言其本原之一致。以通結上四章之意。自十五章至此爲一段。皆言禮樂有本末精粗。而君子淑身。貴得其形上之理。所以詳言學者節禮和樂之功也。第二十章復言樂本乎人情。以申先王作樂

之旨。二十一章。又引子貢問樂。以申學者成德之事。是此篇之大凡也。

問首章之說。曰。此章言樂之本由人心之感於物。物之所感有順逆。而情之應物以成聲者。亦以殊途。是足以見所感之不可不慎矣。故先王制爲禮樂政刑。皆慎其所以感民之道也。曰聲相應。故生變。舊註謂聲之辭意相應。自然生清濁高下之變。非與。曰聲至成方時。始有清濁高下。辭意相應。未便見其變也。且

應字正從感字來。則可知是言聲與物相應非聲之辭意相應矣。聲相應故生變。便是次節之意。次節乃承此二語而詳言之。以起慎感之意。舊說失之。曰哀樂喜怒愛敬之情。何得何失。曰六者各有得失。此只以見情因物感。聲以情變。以見感之當慎耳。不以六情分得失也。問樂以和其聲。劉氏謂和其聲之所言。使無乖戾。是以樂來和民之聲否。曰劉垓孫亦未見得明白。樂是情之不可變者。禮是理之不可易者。是

將那禮來感人使人志有定向。將那樂來感人使人
聲無乖戾。如此說。方見是慎所感。

問次章之說。曰。此章言聲音之道與政通。正以見感
之不可不慎也。曰。政統禮樂。政刑言。夫聲成文而爲
音。音被管絃而爲樂。是音樂固下所以應也。而又爲
上之所以感乎。曰。人以感物而有聲。而聲又足以感
人。屈伸往來。非一端可泥也。是故喜者笑。而聞笑者
皆欲笑。哀者哭。而聞哭者皆欲哭。上之感下。非一端

而樂爲易。下之應感非一事。而音爲著。禮樂政刑皆
感之具。上有好者。下必有甚焉者。下之誣上行私。實
上之新聲。豔治必有爲之倡者也。聲音之道與政通。
又欲爲上者察於音以脩政。如下章所云。非只云政
失而音慢已也。曰五聲之序。相生之法。與五行不合。
何也。曰五聲是個倒數。五行之序。一水、二火、三木、四
金、五土。五聲之序。卻是五四
三二一也。其皆以宮定則猶五行之皆以土成也。曰律以
定聲。律定則聲定矣。乃與政通而有怙慝陵慢者。其

卽律之亂與抑律雖有定而不足以正音與曰律之於聲有定而難定者也聲之應律者其常然琴絃大小有定綸琴徽遠近有定度而緊慢異調陰晴又變笙簧重輕亦有定律而調時又須點過是聲有不應律時也簫管之孔有定而吹之徐疾輕重失宜則音又變以人氣未和也孔子旣祥五日彈琴而不成聲哀意未平也周景王鑄無射伶州鳩知其心疾師曠吹南風知楚之不競隋文帝新樂成老樂工投器於

地此中感召於微。有非律所能定者。淺陋者不識也。曰。怙懣與慢亦不同否。曰。怙懣者。障礙之意。聲律大概是和。卻偶一二聲不合。便怙懣。若亂則此聲全不肯應律。如琴七弦。有一弦全然不調也。然不止是不調。有音甚好聽而實不合律者。此更不易知。慢則五聲皆亂矣。曰。五聲皆亂。便不成聲矣。然則鄭衛之音。全不合律乎。曰。不如此說。樂貴淡和。八風從律。其聲便自淡和。不和固不是正樂。不淡亦不是正樂。周

禮禁其淫過。凶慢曰慢者。舉甚而言。不是不好聽。卻

是忒好聽。忒好聽而無分際。亦是成聲。比如元人

北曲。並用七律。卻黠勾用上。每變徵。是本宮所生。以上為變徵。則非本宮矣。

已自越限。南曲則黠乙用上。又無和繆。教坊譜合宮四商。乙角。每

繆。凡徵工羽。凡和繆。變徵。和變宮也。又於近角收一聲。曰上。上亦變徵也。又六清宮五清商。共有十字。南

曲黠乙用上。則止用合四上尺工五字也。豈不徵角皆亂。用上亂徵。況其

去乙無角。迭成滌濫。淫液流蕩。煩聲遠節之間。正非逐字定律

所能限。則此宮而姦於彼宮。此律而濫於他律者多

矣。至轉宮換調之間。商徵之大於宮。徵羽之大於宮。

商者。又習以爲常而不知怪。

此不知用半律變律變半律之故。如簫笛之變

七調

皆然。非不悅耳也。而所謂慢者。正卽在此。難爲不知。

樂者道也。曰鄭衛之音。以詩淫。故聲淫與。抑音之淫。慢。其不盡由詩與。衛有桑中。無桑間。濮上又無其詩。則小序之引此。安知非附會與。東萊詩記以桑中爲刺淫。朱子駁之。詩記其果非與。曰。詩之與聲。是一是二。人之情有偏著。時雖歌雅頌。聲亦怙懣。此如情有

甚悲而強嚮人歡笑。只益增悲。則音之陵亂固不盡
關乎詩。然此一時之偶也。詩言志。歌永言。聲依永。律
和聲。本末一致。未有詩不淫而聲淫者。亦未有詩淫
而聲不淫者。入大成殿。必不爲淫褻態。演西廂劇。自
難作莊重聲。鄭衛之慢。正以其詩淫之故。所謂樂者
情之不可變者也。閒嘗以桑中詩譜之琴。其聲柔輻
嫵媚。恰如俗唱玉何郎銀紐絲之類。乃知審一定和。
詩志於聲。有不容揜者。今之全不知音者。旣惘然於

聲詩之辨。而或且分聲詩而二之。謂鄭聲之淫不在
詩。以毀詆朱子。則妄作聰明而無忌憚也。

問第三章之說曰。此章言樂通於政。而惟君子能知
之。故君子審樂知政。而以禮飭身。以立出治之本。禮
樂之本。旣得於己。則以其得於己者。而制爲禮樂。以
感民。所以教民平好惡。而反人道之正。正首章慎所
感之意也。曰知樂則幾於禮。解者多云能知樂。則庶
幾於禮。此於文意似順。惟應氏以幾訓察。謂爲辨析。

精微之意。然其意亦祇謂能知樂則能察於禮也。予之說卻又倒一解云。能知樂而通於政者。必其能察於禮而體於身者也。其必變於舊說何也。曰。知樂本難於知禮。非深於禮者。必不能知樂。謂能知樂乃庶幾於禮。是不察樂之精奧矣。故武林之說得之。然徒曰知樂則察於禮。猶未知禮樂之先後難易者也。玩記一矣字。可見幾禮自據己能者說。蓋樂中所通倫理便是禮。禮爲天秩。人須是於天理上逐件看得分

明仔細。然後聲入心通。而得樂之所以和與所以慢之故。若於倫理上先察之未審。則如何可通之於樂而審樂以知政哉。曰。如此。則亦曰察於禮可矣。必曰體之身何也。曰。非體之身。則無以實知其理。未可以云幾也。曰。既體倫理於身矣。則君臣民事物皆得其道。而樂自無怙懣矣。又何庸審樂知政也。曰。惟其能時時省察。乃是其能體之於身處。若自以爲皆得其道。則是不能體之於身矣。試看舜何如人。舜時之治。

何如治。然必曰。予欲聞六律五聲八音在治。忽以出
內五言汝聽。則此章所云。自可識矣。曰。知樂幾禮。便
是禮樂皆得否。曰。知樂幾禮。以知言。皆得以能言。能
得便是無不序無不和。此制作以同民之本也。

問第四章之說。曰。此章言人之性情。感物而動。物感
無窮。而欲動情。勝不爲之節。則必至於大飢是感之
不可不慎也。故先王制禮樂。以人爲之節。禮樂刑政
四達盡善。不悖先王之慎所感也。貴賤等。上下和。賢

否別而政均。則愼感之效。至於無怨不爭。則樂達禮行之到功也。曰四達不悖。劉氏言四者通行於天下而民無違悖。予之說。則云以四者達於天下而皆盡善無所違悖。不悖二字不當屬之民乎。曰然。此節祇言王道備。是祇就王者制作上說。未說到民之從之也。曰言禮樂之效。卻從爲同爲異說起。何也。曰原禮樂之盡善不悖處。以將言其效。故先言所足以致效之理也。不然。則貴賤等上下和之所以然處不見矣。

曰仁義二句。陳氏以仁義爲禮樂之輔。其未是與。曰立人之道曰仁與義。道無更出於此者。奈何反以仁義爲禮樂之輔。此不知仁義禮樂者也。樂以合情。便是仁以愛之。禮以飾貌。便是義以正之。卽政刑亦都是愛之正之之事。如此二字。緊連仁義二句。作現成說。收上文樂文禮義好惡刑爵上截事也。民治行。卽以收上文貴賤等上下和賢否別政均下截效也。雲莊於本節語脈亦且未審。曰末節又從中出外作說。

起。何也。曰。上節爲同。爲異。合情飾貌。尙是就制作言。此言中出外作。必易必簡。則據自然道理言。無復制作之迹矣。以將言其效之臻其至。故先言其理與天地同也。曰。劉氏以情意安舒爲靜。威儀交錯爲文。子以和而節爲靜。嚴而泰爲文。何也。曰。禮而曰文。自易說。樂而曰靜。便難說。是當會其意矣。樂者情之動於外者也。馳於外。便不靜了。惟其由中出。則靜亦靜。動亦靜。和而有節。故說是靜。靜便是坦易處。若動而失

其中之本然。便險陂去矣。禮本是靜物事。文非威儀交錯之謂。乃順理成章之謂。若說到儀文上去。則下文簡字直接不上。蓋禮而煩瑣拘急。便不文了。惟其順物之理而作。則從容不迫。故說是文。文便是簡。能處也。易簡二字。實就禮樂說。不必言如乾之易。如坤之簡。劉氏雖未嘗說錯。卻少發明。大抵此節將禮樂都說到至處。曰合父子之親一段。劉氏依本文說。謂樂之達。乃天子行禮之效。子獨取應氏說何也。曰解

經須以辭意順適爲得。應氏說自是坦易。若如劉氏則委曲費辭。且此節皆言禮樂之效之至。不必又專以行禮歸本天子。樂自有樂之實。亦難說樂之達於天下。乃天子行禮之效。

問第五章之說曰。此章承上章易簡而言成功之所合也。同和。易也。同節簡也。百物不失。和之至也。祀天配地。節之效也。祀天祭地。乃天地位之意。言祀天祭地以叶韻耳。非謂以此禮單去祭天地也。明有禮樂

幽有鬼神二句。總收上四句。如此二字。卽連明幽二句作現成說。言幽明之符合一理如此。則四海合敬同愛矣。合敬。卽上章四海之內合父子之親。明長幼之序以敬天子也。同愛。卽上章暴民不作。諸侯賓服。兵革不試。五刑不用。百姓無患。天子不怒也。殊事異文二句。又以禮樂之事理言。以起下文也。敬愛之情同。故明王相沿。而殊事異文。則事與時並名與功偕。蓋維天之命。於穆不已。物之所爲。竝育竝行。而乾道

變化各正性命。道之所以不害不悖也。禮樂亦此理而已。然非聖人不能與也。曰章末以明聖述作言何也。曰明述只帶言。殊非章意所垂。陳氏多作徵實。卻沒要緊。

問第六章之說。曰此章承前章同異而言。效法之所本也。觀天地之和。則有爲同之理。觀天地之序。則有爲異之理。百物一本而化。斯有相親之仁。群物萬殊之別。斯有相敬之義。故聖人因天以作樂。法地以制

禮也。過制二句。卽前章樂勝則流。禮勝則離之意。不明於天地之序和。故有過制過作之失。故必明於天地。然後能興禮樂。情官樂之所以合情。質制禮之所以飾貌。若夫以下。推之以與民同。則所以等貴賤和上下也。蓋序和之道。百世無敝。而窮變通久。與時偕行。若徒沿襲成迹。以爲禮樂。則末流之失。必至於樂過而憂。禮粗而偏矣。故非大聖之明於天地。不能敦樂而無憂。禮備而不偏也。曰過作過制。劉氏意屬造。

化言曰有制作字。便是就人事言矣。劉氏云如陰過則息陽過則亢。看他如字。亦是就人事言。但少發明耳。曰論倫無患。劉氏云論者雅頌之辭。倫者律呂之音。辭足論而音有倫。故至和而無患害。子之說似泛曰只就訓詁言。則劉說似勝。卻不知拘在聲律上言樂。便失此章之旨。大概情質官制。只就禮樂本然道理言。未涉詩律上事。上節言天地本然序和。此言人心本然之序和也。故論倫只是言行。至若禮樂之施

於金石以下四句。方是說先王之制作而用之民。則此所以與民同此字。正指情質官制言。謂推此以與民共由。正所謂節民心和民聲合情節貌等貴賤和上下之事也。先王以禮樂感民。正要人皆論倫無患。中正無邪。情質官制。又卽在金石聲音祭祀之內。而方氏劉氏却謂情質官制。其義難知。聲音祭祀。其數可陳。故衆人所共知。則大失此章之旨矣。且情質人所同有之德。官制亦人所共有之情。非如他處說禮

樂到深微奧妙爲眾所不能知者。記言所與民同分。明說與民共由。非言民所同知也。若情質官制。竟爲民所不能知。則先王亦烏用是聲音祭祀。虛文而謂爲禮樂之教哉。曰千戚之舞。四句陳氏云。千戚武舞。不如韶舞之盡善盡美。故非備樂。熟烹而祀。不如古者血腥之祭。爲得禮意。故云非達禮。此亦似重本之意。曰如陳說。則全是偏枯之論。記明言禮樂不相沿襲。又奈何獨美血腥而薄熟烹。舜舞干羽於兩階。韶

樂經律呂通解

卷一

樂記可問

堯

舞何嘗不用干戚。蓋此節記意。與禮器禮之近人情者。非其至。及郊特牲。不可同於所安樂之意。都大不相同。似記意以王者制作效法天地之序和。其所推以教民者。在於情質。官制而非徒干戚熟烹之末耳。熟烹非達禮。血腥又何嘗爲達禮哉。惟禮樂有其情質。官制而非徒干戚熟烹之末。故禮樂之文。帝王不相沿襲。苟徒以干戚之舞爲樂。則逐外所流。必至於變。以熟烹而祀爲禮。則粗迹所循。必至於偏。而皆忘其

情質官制矣。散樂而無憂。仍是論倫無患禮備而不
偏。仍是中正無邪。此旨雲莊全未夢見。曰子謂上章
及此章皆承第四章之說而申言之意思固甚好。但
上章禮樂之情同以下。此章千戚之舞以下。似覺又
生枝節。曰事與時並。正是成功之與天地合。散樂備
禮。推以教民。正見效法所本之精微。但舊註往往不
得其意耳。

問第七章之說。曰此章言天地之序和。卽本然之禮

樂而聖人之制作一天地之序和。是效法天地者。卽還而贊助天地所以總結上六章之意也。自節首至義近於禮。言效法所本。自樂者散和。至天地官矣。言成功之合。天尊地卑。節申言天高地下萬物散殊而禮制行。地氣上齊。節申言流而不息合同而化而樂興。皆言效法所本也。化不時節。合上二節而結之。見禮樂之相須一致也。末節則復言成功之合與天地一。是先王之所以化成天下也。曰天高地下二節。陳

註言造化示人以自然之禮制。自然之樂情。意皆屬
天地言。劉氏言聖人法之則禮制行。法之而樂興。是
以禮行樂興屬聖人言。二說意稍不同。子註似用陳
意。然以義近於禮以上爲效法所本。樂者敬和以下
爲成功所合。則仍用劉意。何也。曰。正以義近於禮以
上爲效法所本。樂者敬和以下爲成功所合。故禮制
行樂興。當且就自然說。未及聖人之法之也。觀下二
節記。意可見。但近樂近禮二近字。劉陳俱未得其解。

曰天尊地卑。節陳註俱言聖人制禮取法於尊卑云云。是實就聖人效法言。章句獨且懸空說理。何也。曰此只當如應氏說。觀結句云禮者天地之別。只就現成說可見。且此節闌入聖人制禮事。下節卻闌不入聖人作樂事。卽如本節首六句。可云聖人定君臣取法於天地。位貴賤取法於卑尊。至性命不同句。則必不可云同性命取法於方以類聚物以羣分。況在天成象二句。其下直接天地之別。是原未嘗以取法言。

陳氏強填入衣冠旂裳等語。不已淺狹而徒添註腳。
乎。化不時節。亦尙是據自然道理言。故曰天地之情。
乃遽以制作得失言。亦未是也。曰末節著不息者天。
也。著不動者地也。應氏意就天地之昭著言。子則云。
天地之不息不動。聖人以禮樂著之。是禮樂亦天地。
而已。此意自精妙。然則一動一靜天地之間。亦是將。
禮樂合到天地說。曰然。

問第八章之說。曰此只觀舞知德一句。是一章主意。

提起德字。爲下六章發端。而所謂德者。卽前第三章所言禮樂皆得之德是也。舜歌南風。自樂其德也。作樂以賞諸侯。廣德教於天下也。又並列六代之樂而釋之。以見其皆德之所著也。自此章以下。下章曰行象德。第十章以繩德厚。十一章奮至德之光。十二章德者性之端。十三章樂終而德尊。十四章達神明之德。章章照顧德字。則此章之旨亦可見矣。曰藝之制樂。豈專爲賞諸侯。王氏之譏無當與。曰禮記一書。雖

不盡醕。然要須虛心靜氣讀之。縱稍有說得不周密處。亦須先靜察其意旨所在。若確有所偏。而且於事理有害者。是乃不得不辨。不可先橫已見爲貶毀也。石梁於此書多所辯駁。正論頗多。然未免有心少之則自不無過當處。況此篇尤其醕深。未容輕駁也。

問第九章之說。曰。此章言先王法天出治。因時施教。而事爲之節。要必本身加民。然後爲盡善。所以承上章而起下二章之意也。首節至事不節。則無功。以天

道之必時必節。引起王者之教事亦必以時以節也。
先王之爲樂三句。言樂教所以象德。豢豕爲酒一節。
言禮所以綴淫。故酒食者三句。總禮樂而言其旨。先
王有大事至皆以禮終。申言禮以綴淫之用。樂也者
至終。申言以樂象德之事。陳本吳本分章分節都未
是。遂至失其旨意。血脈不貫矣。章內雖教時事節並
提。然教時意因上章六代之樂各殊其時而言。本章
卻。是節事意多。綴淫而使之象德。皆以節事爲教也。

曰樂似難說節事。曰須道和而節。觀下二章樂之節事自見。

問第十章之說。曰此章承上章而言感人深。先王作樂之事之詳也。民心無常。隨感而應。故音之所感有異。而民之應之者心術頗殊。樂之感人深者如此。故先王作樂必本之以性情之正。又合之和氣常行。而後發爲聲容。以用之而感民。則民皆可以感於正而不流於邪。是先王之樂教也。所謂善則行象德者如

此。曰。劉氏吳氏俱謂此章申言篇首音之生本於人心之感於物一條之義。今如子說。則與篇首樂本之意大不相似。此何以辨之乎。曰。不難辨也。篇首言樂者。音之所由生也。其本在人心之感於物也。是原音樂之所由生。則心以感於物而聲發。故厯言心之所感者如此。則聲之所發者如此。心爲本而聲爲應也。此章承樂之感人深而言民有血氣心知之性。無哀樂喜怒之常。是言心術無常。惟感是應。則惟音之所

感而心術隨之以變。故厯言所感之音如此。則心術之變如此。音爲感而心爲應也。其上下文意反復之間。亦詳味而可見矣。况首章言聲。而此章言音。音則聲之已成文者矣。首章言哀樂喜怒愛敬。此章言思憂康樂剛毅肅敬慈愛淫亂。參差不盡合也。劉氏強爲分應。而以淫亂爲喜心之感。豈人情之喜獨在淫亂。此尤其不可通者也。首章感字說得廣。而應專以聲言。故其末節慎感兼及禮樂政刑。而於樂則日和

其聲。此章感字專以音言。而應則曰心術。故末節專言作樂之事。而曰以繩德厚以象事行。舊註不察語脈所在。只略見文意相似。便一例混過。失之遠矣。曰然則章末二節之說。請詳言之可乎。曰末二節言作樂之事。今人恐難曉。然理自平易。所謂本之性情者。指大本之性中節之情言。乃樂之本原出於天處。仍指血氣心知而已者。非也。本之性情。是作樂大主腦。度數。指律呂言。禮義。則樂中所寓。自非一端。如君臣

民事物之倫。則寓於聲。雅頌之文。足論不息。則寓於詩。是皆制之禮義。律呂之度數。便是合生氣之和。制之禮義。便是道五常之行。陽陰剛柔四句。卻專以合生氣之和言。四氣無不和於中。則發之自中。節於外。至皆安其位。而不相奪倫。則禮義之制。亦無不合矣。舊說都看不融洽。至以陽陰二句屬生氣之和。以剛柔二句屬五常之行。尤無意義。曰如此說。則生氣之和合。而五常之行已無庸道。而自道矣。又何必曰制。

之禮義乎。曰不然。此須看使之二字。如律呂得乎生氣之和。人同此生氣之合。要須是稽以合之。否則亦有不和者矣。禮義卽五常之行。音律卽寓五常之理。要須是制以道之。否則亦有不由者矣。理氣非兩端。氣非理。不和。理非氣。不行。合和所以道行。而道行所以散和。交相爲體用也。稽以合之。制以道之。乃所以使之生氣和於中。而五常道於外矣。生氣之和。中也。天命之性也。五常之行。和也。率性之道也。體立而用

行。故曰四暢交於中。而後發作於外者皆安其位而
不相奪也。曰理爲氣主。而生氣之和乃屬之性。五常
之行乃屬之情邪。曰生氣何以和。和處便是性之理。
五常何以行。行處則亦性之用矣。曰舊說小大之稱
以五聲言。終始之序以六律言。亦非與。曰未嘗不是
但宜推開稍闊。如行綴長短之類亦是。故且大概說
曰以繩德厚。固根象德以著教來矣。以象事行一屬
豈不多出枝節。曰得之於心謂之德。見之於身謂之

行。措之天下。謂之事。其實一也。象事行。卽象德也。繩德厚以學言。象事行以等言。繩德厚以涵養性情。象事行以指示禮義。立學教也。立等亦教也。要之慎所以感人者而已。故樂觀其深。觀字當讀如觀卦之觀。舊讀如字者非是。

問十一章之說。曰此章承前章移風易俗易而言先王出身加民之本也。夫以世亂樂淫而感之者遂滅平和之德。聲氣感應之理其固然矣。以姦聲感逆氣。

而淫樂興。則風俗必移易於不善。以正聲感順氣而和樂興。則風俗其必移易於善矣。是感之誠不可不慎也。故君子知所感之本。而必先慎之於身焉。反情和志。比類成行。使本於身者皆正聲順氣。然後本已之正聲順氣以著爲和樂。斯風俗無不移易於善。而天下皆甯矣。蓋風俗與化移易。而德必本於君身。樂行而民鄉方。以君子之德爲之本也。首節雖以禮樂並言。然意止主於樂。慢易犯節二句。皆以樂言觀上

文總以其聲二字領之可見舊以慝禮言非也廣則
容姦陳註大則使人容爲姦宄一容字甚不妥貼。感
字或作憾固自可解。然不如直用本字解。要自有味。
雲莊作感傷說亦自不穩。曰此章小大終始與上章
解又異何也曰亦只一般。但上章所指該括。此則確
就樂音言耳。曰上章言心術隨感而變。又言繩以德
厚以象事行。何不可言移風易俗。此章亦言感應以
類動。又何不可言感人深與。曰惟其感人深。故移風

易俗易事理本非兩截。但感人深就樂言。故上章止言作樂之事。立之學等。亦方是以樂感人未及其效也。移風易俗易以效言。故此章推到天下皆竄其言樂行而民鄉方。亦是言其效也。樂之感人以音。故上章專就作樂之事言。風俗移易要本君身民不從令而從好。樂不可爲僞。故此章必本以君子之自脩。所謂樂者聖人之所以樂也。故分承而各有所主也。問十二章之說。曰此章申言樂之必本於德也。曰氣

盛化神。劉氏以天地之化言非與。曰氣盛卽動四氣之和。化神卽感人深而移風易俗易。通章就樂言。何獨此句又摭天地來說。

問十三章之說。曰此又申言德之形見於樂也。曰陳氏吳氏之註何如。曰陳註似無可是非。卻沒發明。其云以之爲己則和而平云云。則全無著落。不知其所謂以之者是以個甚。吳氏承註疏之說。以此爲論大武之樂。以明伐紂之事。則又未免雲莊之駁矣。陳氏曰舊

說以再始爲十一年觀兵。十三年伐紂。此誤久矣。蓋此特通論樂理如此耳。故曰生民之道樂爲大焉。豈可以生民之道爲莫大於戰伐哉。蓋此二章皆正義所區分爲樂象篇者。而草廬宗之亦可見舊說篇題之不足據云。

問十四章之說曰。此章合禮樂體用而推言其化成之功贊助天地。以終前象德綴淫法天出治之意也。曰。樂施禮報。如何是以用言。情不可變。理不可易。如何是以體言。曰。樂生反始。章德報情。其用動也不可變易。統同辨異。其體靜也。曰。樂施禮報。馬氏應氏之

說無可取邪。曰馬氏以陰陽言。應氏以氣象言。亦皆有當。愚說自可包得衆說。馬說應說卻掛一漏萬耳。曰所謂大輅一節。舊以爲申言禮報之意。不可通與。曰與上下文全不倫類。何得曲解。不如闕之。曰情不可變。劉說何如。曰道理本不錯。卻嫌費辭。蓋情本是同。理便有異。但情以多變而流。便不同者有之。故情之不可變。所以統同也。事以動蹟而差。便每至混去。故理之不可易。所以別異也。只據現成道理說。意方

醒豁曰窮本知變如何是合體用言曰窮本知變便是樂其所自生著誠去僞便是反其所自始此都是禮樂之大用而其所以窮本知變著誠去僞者則以統同辯異而不可變易禮樂之定體足以管乎人情也傾天地之情達神明之德則又統同別異之本原處矣曰窮本知變如何是樂其所自生曰此知字當訓主字如乾知大始之知本性也變情也窮本知變言盡其大本之中而爲酬酢萬變之主也盡其性而

順以達之。是樂其所以生者也。著誠去僞。猶所謂
閑邪存誠。誠者得於天以生之實理。去僞而著其誠。
是則反其所自始矣。劉氏理同氣異之訓。實未得其
旨也。曰。大人舉禮樂。則天地將爲昭。陳氏言將以禮
樂而昭宣天地之理。是以法天言。子之說直以位天
地言。曰。記文自是現成語氣也。天地訢合以下。則又
就天地本然言。末復結言其與樂之道同歸一致也。
曰。如所云。則自昔者舜作五弦之琴。以下至此語。脈

一其舊之分篇命題俱末當矣。曰豈獨此也。讀古人書祇以理之。是非爲斷。纔是論世尙友。非必盡泥舊說。亦非故意不依舊說也。

問十五章之說。曰此章於禮樂中分出有個上下先後。見學者當有以成其德行。而不徒器數之末。又以起下四章之意也。

問十六章之說。曰此章引子夏之論樂。卽示人以學樂之道也。君子聽古樂而語而道古。以脩身及家平

樂經律呂通解

卷一

樂記或問

全

均天下。此卽德行之成而上。而至於聽音亦必且有以合之。若聽其鏗鏘而已。則不定以語樂矣。曰弦匏笙簧會守拊鼓。非待擊拊鼓而後作與。曰拊鼓以節樂。非以起樂。雲莊只因先鼓以警戒而有此說。非也。凡作樂。皆工歌。堂上笙奏。堂下皆逐字金始。編鍾石收。編磬拊鼓居中爲節。堂上拊。堂下鼓。然堂上亦有鼓。而堂下則無拊。拊之用如今拍板。堂上樂博拊之間有朔鼓倡而應。應之堂下樂以晉鼓爲節。晉鼓之間有棘倡而應。應之句終皆播鼗以接續之。詳見末今人多不識也。曰古註六紀。謂諸父有善諸舅

卷

有義。族人有序。昆弟有親。師長有尊。朋友有舊。子不用其說何也。曰。紀綱祇是法度字。詩云。綱紀四方。又曰。之綱之紀。若作三綱六紀說。如何可通。且有善有尊等字。分押殊牽強。夫紀以附綱分目。卽以三綱爲綱。亦何必更求六紀於三綱之外。曰淫志溺志。言音而謂之志何也。曰。詩是樂的骨子。志又是詩的骨子。故音之濫。由志之淫也。鄭詩多淫。豈朱子私見哉。曰。醫書有鄭音之病。豈病者亦淫志與。曰。病鄭聲者多。

是邪。魁所惑。或痰淫所壅。如何不是淫志。然風俗與
化移易。豈限鄭地以淫志。鄭聲淫者。周末失政時耳。
醫書鄭聲之語。亦後人附會也。曰。好濫燕女。亦有微
別否。曰。豈無他人。豈無他士。叔兮伯兮。駕予與行。俱
見好濫景象。衛雖淫。又頗忠厚。如靜女。氓蚩木瓜。却
自見趨。數語氣齊之傲。僻於詩尤易見。燕女則安於
所私而已。卻不至於濫也。

問十七章之說。曰。此章引孔子之論大武。亦示人以

學樂之法也。問樂而知古人之德業。所謂於是語也。因樂而考古人之事行。所謂於是道古也。脩文偃武。知孝知臣。知敬知弟。則脩身及家。平均天下之道。於是乎備矣。是德行之所以成而上。而非徒習其聲容也。曰。孔子曰。發揚蹈厲。太公之志。則賈及時之對亦未是。曰。此對亦不全不是。泰誓曰。時哉不可失。蓋發揚蹈厲。是象太公之志。而其已蚤處。則亦自有及時之意。賈之對。只非武坐句是說錯。曰。聲淫及商。舊說

謂武樂中有貪商之聲。是武王貪欲天下。故取之也。子則以商爲宮商之商。何特見與。曰。以商作殷商解。此甚不通。夫聲音何所指實。而見得爲貪商。若說詩中有貪商語。則又說不得有司失傳之過。如聞人彈琴。曰。琴中有殺聲。可也。琴中有思慕聲。可也。今却曰。琴中欲殺某某。琴中是思某某。得乎。經生家白紙談樂。憑空說向元妙。卻未嘗按之器數。審其聲音。終底成隔壁賬。此朱子所歎爲失所本也。曰。聲淫及商。旣

聞命矣。然則商亂當云陂。而云荒何也。曰。又不必如此。泥。商聲上近宮。下近角。淫液及商。要多是宮音之濫。則謂是宮亂亦可。要之聲近嗜殺。則君志之荒也。曰。六成復綴以崇天子。天子二字。或連下來振之讀。引君執干戚就舞位爲說。似亦有據。曰。夾振之而駟伐。與分夾蚤進。大都是再成時事。若君執干戚就舞位。卻當在始而北出時。且將天子二字屬下句。則復綴以崇語便歇後。卽訓崇爲克。亦無義理。曰。使之行。

商容而復其位。舊解只引式商容間何如。曰此於行字卻解不去。式是車上式之如何說行商容。且使之二字。明是使人訪之矣。曰此一大段如何都是結言遲久之意。曰只見武王無心務武。不得已而後動的意思。

問十八章之說。曰此章言君子以禮樂淑身之事。蓋上二章示人卽樂以窮理。此章則欲人實體禮樂於躬行也。就聲容器數以爲禮樂。則禮樂有時而去身。

曰不可斯須去身。則以其形上之道自脩而已。樂之理只是和樂。禮之理只是莊敬。窮致此和樂之理以養心。而不使有一念之鄙詐。得以自萌於其間。如事親則愉色婉容。必本乎深愛。從兄則授几奉杖。必出以因心。此卽所謂統同之情。初時未便自然。只是鼓舞以行。務要自盡其量。久之而天真日引日出。則易直子諒之心。油然而生。胷中自有一段要如是以自快自足的意思。而發之自無待勉強矣。凡事之出於

勉然者。必不能久。至於安。則可久矣。久則天理日熟。而時措咸宜。有不自知其所以然者。致此莊敬之理。以脩身。而不使有一毫之慢。易得以偶設於身體。出門如賓。承事如祭。此卽所謂別異之分。外面整齊嚴肅。則心自一。而無非僻之干。亦非期於嚴威。而嚴威自著矣。內和者。發乎性情之自然。而不乖也。外順者。循乎物理之當然。而不違也。此卽易簡之理也。瞻顏色而弗與爭。望容貌而不生易慢。靜而民信之矣。德

輝動於內而民承聽。理發諸外而民承順。動而民從之也。易則易知。簡則易從。所以有親有功也。內和外順。德成而上。行成而先也。平均天下。則舉而措之耳。曰。顏色亦在外邊。而以承內和。何也。曰。玩文意是如此。分承。蓋人於容貌。猶可外飾。而色卻難僞。則色之根心尤切。故顏色自內和上。見出。曰。此章言禮樂似懸虛了。曰。致字亦須從器數聲容上推致來。

問十九章之說。曰。此章合禮樂而言其本原之一致。

也。禮主減。樂主盈。禮樂之體。毀也。禮以進爲文。樂以反爲文。禮樂之爲用也。不進則銷。不反則放。用禮樂者之失也。禮有報。樂有反。體用之本然也。得其報。得其反。得乎身心之自然也。禮之報。樂之反。要歸於性情之正而已。故曰。其義一也。舊說均無當。與曰。各有得失。如樂之盈。因其自內達外。爲人心之所喜。馬說是也。劉氏以和順積中言。則樂德之成。非復以本體言。且下文亦不得云盈而不反矣。禮減而進。以進爲

文進者。喜歡鼓舞以進行之意。若勉強拘束。則覺禮爲虛文矣。劉氏云。貴乎行之以和是也。馬氏云。勉而作之。則未得其意。且有語病也。禮有報。樂有反。以禮樂之本然言。蓋禮之爲體雖嚴。然皆出於自然之理。樂之爲體雖和。然莫不有當然之節。所謂有報有反有者。本有也。非先王以禮濟樂。以樂濟禮之說也。禮得其報則樂。樂得其反則安。以學者之有得於禮樂言。進行乎禮者久。則自得其和順從容之致。反抑乎

情者安。則自合乎優游中平之節。禮樂本無二致。非必以樂來和禮。以禮來節樂也。舊說多失之矣。曰。此章似可與上章聯作一章。曰。聯作一章自可。然上章自治身心。推出功效。此章自分別處。合到本原。故分二章各看。乃見意思明白。

問第二十章之說。曰。此復申首章慎感之意。亦以總收前十四章之意也。曰。方氏曰。聲足樂者。樂其道。文足論者。論其理。似好。曰。聲足樂。只宜如劉氏。足以娛

樂淺看。乃有味。方說太深。曰曲直繁瘠廉肉節奏。方氏主八音五聲言。劉氏主律呂言。子之說甚略。何也。曰方氏逐件分配。既多掛漏。劉氏以節奏爲止作。亦不可通。此只在聲音上大槪形容。自見活潑。曰審一以定和。應氏云。一者心也。心一而所應不一。守一以凝定其和。意似較深。曰正爲不當深。且審一亦不是守一。劉註自確。曰劉氏以樂在宗廟之中一節爲言。樂以和禮。以志氣得廣一節爲言。禮之節樂何如。曰

此誤蒙上章禮樂相濟之說而爲是解。不知此章全然不接上章也。且樂中本有節在。何必強絆入禮說。是其於禮樂合一源頭全未見的。

問末章之說。曰此章復申學者以樂成德之事。因上章制雅頌之聲以道之。而因專以聲詩言。實亦總收十五章以下之意也。

樂經律呂通解卷之一

終

律呂新書序

古樂之亡久矣。然秦漢之間。去周末遠。其器與聲猶有存者。故其道雖不行於當世。而其法猶未有異論也。逮於東漢之末。以接西晉之初。則已濫多說矣。歷周齊隋唐五季。論者愈多。而法愈不定。爰及我朝。功成治定。理宜有作。建隆皇祐元豐之間。蓋亦三致意焉。而和峴胡瑗阮逸李照范鎮馬司馬劉凡揚傑諸賢之議終不能以相一也。而况於崇宣之季。姦諛之

會。黥涅之餘。

謂魏漢津

而能有以語夫天地之和哉。丁未

南狩。今六十年。神人之憤。猶有未攄。是固不遑於稽古禮文之事。然學士大夫。因仍簡陋。遂無復以鐘律爲意者。則已甚矣。吾友建陽蔡君元定。季通當此之時。乃獨心好其說。而力求之。旁搜遠取。巨細不捐。積之累年。乃若冥契。著書兩卷。凡若干言。予嘗得而讀之。愛其明白而淵深。縝密而通暢。不爲牽合傳會之談。而橫斜曲直。如珠之不出於盤。其言雖多出於近

世之所未講而實無一字不本於古人已試之成法
蓋若黃鐘圓徑之數則漢斛之積分可攷寸以九分
爲法則淮南太史小司馬之說可推五聲二變之數
變律半聲之例則杜氏之通典具焉變宮變徵之不
得爲調則孔氏之禮疏亦因可見至於先求聲氣之
元而因律以生尺則尤所謂卓然者而亦班班雜見
於兩漢之制蔡邕之說與夫國朝會要以及程子張
子之言顧讀者不深考其閒雖或有得於此而又不

能無失於彼。是以晦蝕紛拏。無復定論。大抵不拘擥於習熟見聞之迹。卽肆其胷臆。妄爲穿鑿而無所依據。季通乃能奮其獨見。超然遠覽。杷梳剔抉。參互攷尋。用其半生之力。以至於一旦豁然融會貫通焉。斯亦可謂勤矣。及其著論。則又能推原本根。比次條理。撮其機要。闡究精微。不爲浮辭濫說。以汨亂於其間。亦庶幾乎得書之體者。予謂國家行且平定中原。以開中天之運。必將審音協律。以諧神人。當是之時。受

詔典領之臣能得此書而奏之。則東京郊廟之樂。將不待公孫述之瞽師而後備。而參摹四分之書。亦無待乎後世之子雲而後知好之矣。抑季通之爲此書。辭約理明。初非難讀。而讀之者往往不及終篇。輒已欠伸思睡。固無出了其歸趣。獨以予之頑鈍不敏。乃能熟復數過。而僅得其旨意之彷彿。季通於是亦許予爲能知己志者。故屬予以序引。而予不得辭焉。季通更欲均調節奏。被之管弦。別爲樂書。以究其業。而

又以其餘力發揮武侯六十四陣之圖緒正邵氏皇
極經世之歷以大備乎一家之言其用意亦健矣予
雖老病僮及見之則亦豈非千古之一快也哉

淳熙丁未正月朔旦新安朱熹序